


嘉靖邵武府志

三



邵武府志目錄

第一卷

天文

星野

應候

第二卷

地理

山川

形勢

有圖

雜占附

有圖

勝景附

巖峯嶺嶽嶂洞石坪
溪潭洲灘池物產附

風俗

王制

建置沿革

有表

有圖都保里至附

封域

街市附

城池

第三卷

倉庫藥局附

制宇

第四卷

有表

秩官

第五卷

版籍

戶口

土田

賦

第六卷

水利

泉

井

源

陂

塘

津梁

第七卷

學校

小學附

第八卷

選舉

有表

第九卷

宮室

精舍 書院 堂樓臺亭軒閣
使院 隱居 宮苑 廳祠坊

第十卷

祀典

專祀義祀附

兵防

屯田民兵關隘寨附

第十一卷

人物

李忠定公世家

何李二氏世家

第十二卷

名宦

宦蹟附

第十三卷

鄉賢

名人附

第十四卷

孝義

貞女

隱士

僑寓

第十五卷

外志

奸佞

寺觀

庵院仙釋雜祠附

讓志邵武無亦科條舊貫非所謂作乃若舉凡立義則亦竊取之矣惟天始萬物故首之以天文其目爲星野爲應候地載神氣故次之以地理其目爲山川爲形勢爲風俗惟王贊助參配天地故次之以王制其目爲建置爲封域爲城池爲制宇爲秩官爲版籍爲水利爲津

梁為學校為選舉為宮室為祀典為兵防庶幾乎不廢
三才之理以定綱維天以生氣地以成質王以惇化然
後人道立乃繼之以人物忠義正學章著繫社稷匡世
範民作忠定何李二世家篤信善道不失已因時著名
立業於家邦作名宦鄉賢孝義貞女隱士僑寓六列傳
物情不齊易十翼終雜卦書終秦誓而以外志終焉凡
五類三圖三表二十八篇

邵武府志目錄

邵武府志卷之五

版籍

叙曰邵陽無千家之村無方二里之田何哉賦役之等若是乎其纖詳也故合而書之與時鏡觀貨出於地役出於民以類相準則無藝之征可罷老書黠筭日異歲積以年相觀則低昂之弊可見版籍豈爲簿數之書哉

戶口土田夏揚州土田貢篚包之等周職方氏七閩之人

民與財用九穀六畜之數亦其大較秦廢井田愚黔首

漢徙民居江淮間地遂虛晉永嘉板蕩乃有八姓入閩

歷南北朝而隋而唐王氏以五千人渡江據有閩中地
始改闢民始改聚陵夷迄于五代宋都杭入閩之族益
衆始無不耕之地舊志云崇寧中本軍戶八萬七千五
百九十四咸淳七年戶二十一萬二千九百五十三口
五十五萬八千八百四十六建寧縣戶二萬五千三百
一十八口一十二萬八千一百四十二元地理志云至
元十三年本路戶六萬四千一百二十七口二十四萬
八千七百六十一皆甚掛漏

太祖龍興經理壤地民數比於夏周加詳慎焉

洪武二十四年邵武府戶合五萬六千六百八十二口

合二十三萬六千七百一十官民田地合一萬二百二

十四頃八十八畝八分租田職田廢寺田醫學田舊新沒官田地學田地俱曰官田地

合四百一十八頃七十九畝八分民田地合九千八百六頃九畝邵武縣戶二萬六千

六百零四口一十萬九千五百六十四官民田地合四

千八百三頃三十五畝五分官田地二百九頃三十五畝五分民田地四千五百

九十四頃光澤縣戶一萬九千二百四十四萬三千一百六十二

官民田地合二千一十二頃八十九畝三分官田地一百一十一

頃九十五畝一分民田地一千九百頃九十四畝二分泰寧縣戶九千四百八十

口四萬三百二十九官民田地合一千三百三頃九十

八畝一分官田地二十五頃二十八畝三分民田**建寧**

縣戶一萬五百零六口四萬三千六百五十五官民田

地合二千一百四頃六十五畝九分官田地七十二頃二十畝九分民田

地二千三十二頃四十五畝

永樂十年府戶口視洪武二十四年戶減一萬六百九

十一口減一十萬八千八百一十九田地官增一十三

頃五十畝一分一釐民減一百七十二頃八畝一分九

釐**邵武縣**戶減四千四十二口減五萬四千七百七十

九田地官增一十四頃四十五畝六分一釐民減一十二頃五十七畝一分九釐

光澤縣

戶減一千九百一口

減一萬六千六百六十九田地官增四頃一畝七分民

增一頃六十八畝五分

秦寧縣

戶減一千三百六十五

口減一萬三千一百八十田地官增一頃三十畝六分

民減八十八畝三分

建寧縣

戶減三千三百八十三口

減二萬四千一百九十一田地官減六頃二十七畝八

分民減一百六十頃三十一畝二分

宣德七年府戶口視永樂間戶減一千九十八口減三

千一百五十六田地官減二十二頃二十八畝九分民

增二十一頃三十九畝

邵武縣

戶減一百九十八口減

二千六百五十田地官增四畝五分民減四畝一分

澤縣 戶減五百八十五口減九百八十四田地官減六

十六畝五分民減二十九畝四分

泰寧縣

戶增二百四

十七口增一百六十三田地官如前民增六畝

建寧縣

戶減五百六十二口增三百一十五田地官減二十一

頃六十六畝九分民增二十一頃六十六畝五分

正統七年府戶口視宣德間戶減二千三百九十二口

減一百五十八田地官增一十四畝六分民增一頃七
畝五分邵武縣戶減一千八百六十口減二千五十三
田地無增減光澤縣戶減三百五十四口增一千四百
八十九田地無增減泰寧縣戶減三百八十二口增五
十田地無增減建寧縣戶增一百零四口增三百五十
六田地官增一十四畝六分民增一頃七畝五分
景泰三年府戶口視正統間戶減一千八十七口減一
千三百四十六田地官如前民增二畝四分邵武縣戶
增一百零三口增四十九田地無增減光澤縣戶減三

百九十八口增二十六田地無增減**泰寧縣**戶減七百

四十六口減一千八百五十二田地官如前民增二畝四

分**建寧縣**戶減四十五口增四百三十一田地無增減

天順六年府戶口視景泰間戶減一百七十五口減三

千一百五田地無增減**邵武縣**戶增三百六十二口增

三千二十一田地無增減**光澤縣**戶減一百八十口增九

田地無增減**泰寧縣**戶減一百七十七口如前田地無

增減**建寧縣**戶減一百八十口增七十五田地無增減

成化八年府戶口視天順間戶減七百六十六口增二

千九百八十四田地官如前民增一十五畝一分

邵武

縣戶減九百口增一千一十二田地官如前民增一十

五畝一分

光澤縣

戶口田地俱無增減

泰寧縣

戶增三

十一口增一千五百零二田地無增減

建寧縣

戶增一

百三口增四百七十田地無增減

弘治十五年府戶口視成化間戶前減一百八十後增

五十三口增三千五百九十合一萬二千八百零九田

地官如前民增六十八畝三分官民瓦草屋八萬四千

八百五十八間半驢四匹牛五千九百一頭民船大小

四百九十八艘

房屋頭匹船隻之數前籍莫稽不書今書其可稽者

邵武縣

戶前

減二百二十九後增二十九口增二千九百六十六田

地官如前民增六十八畝三分官民瓦草屋合三萬一

千四百七十七間半水黃牛合二千七百七十四頭民

船大小二百九十一艘

光澤縣

戶增二百六十二口增

一百三十五田地無增減官民瓦草屋一萬九千一百

六十一間驢一匹牛二千七十三頭民船大小八十二

艘

泰寧縣 戶前減一百三十八後增二十四口增二百

二十四田地無增減官民瓦草屋一萬六千七百四間

水黃牛合四百六十頭民船大小合六十三艘

建寧縣

戶減七十五口增二百七十一田地無增減官民瓦草

屋一萬七千五百一十六間驢三匹牛五百九十四頭

民船大小合六十二艘

正德七年府戶口視弘治間戶減三百四十三口增三

十四田地官如前民增二畝官民瓦草屋減一千三十

六間驢如前牛減一百八頭民船如前

邵武縣

戶增一

百九十口減一千二百一十三田地官如前民增二畝

民瓦草屋增九十八間牛減一百二十一頭民船如前

光澤縣戶增八十口減一千七百三十五田地官民俱

如前民瓦草屋增五百一十五間驢如前牛增九十民

船如前**泰寧縣**戶減二百五十九口減一千七百三十

三田地官民俱如前官民瓦草屋減一百九十九間牛

減三十四頭民船如前**建寧縣**戶減三百五十四口增

四千七百一十五田地官民俱如前官民瓦草屋減一

千四百五十間驢如前牛減四十三頭民船如前

嘉靖十一年府戶口視正德間戶減二百三十四口增

三千一百八十三田地官如前民增六頃二十九畝八

分九釐官瓦草屋減二千七百五間民如前驢如前牛
減三百二十二頭民船如前邵武縣戶減一百六十五
口增四千三百六十田地官如前民增一頃二十四畝
八分九釐民瓦草屋減一千五百八十一間官如前牛
減二百二頭民船如前光澤縣戶增八十三口增一千
七百四十一田地官民俱如前民瓦草屋減一百六十
四間驢如前牛減一百四十七頭民船如前泰寧縣戶
減四十九口增一千七百六十九田地官民俱如前官
民瓦草屋減二百二十四間牛增二十六頭民船如前

建寧縣

戶減一百三口減四千六百八十七田地官如
前民增五頃五畝官民瓦草屋減七百三十六間驢如
前牛增一頭民船如前

賦

宋咸淳七年本軍夏稅鈔五萬一千六百四貫九伯七
十二文秋糧米二萬七千三十四石四斗建寧縣產錢
合三千六百二十貫六伯零七文夏稅鈔額催正絹折
價錢會合一萬三千三百三十二貫六伯三十文省苗
米額催正糴三千七百八十七石七斗五升元田稅合
三千八百三十六石五斗二升二合

明洪武二十四年府正賦秋糧米合六萬七千八百二十

八石九斗三升秋租鈔二百六十錠隨秋糧帶徵後並同夏稅鈔

合七百六十一錠四貫二伯七文覆桑絹三十三疋三

丈八尺五寸雜賦魚課米合一千四百三十三石八斗

六升四合六勺有閏加一百一十九石四斗八升八合七勺一抄後並同鹽糧男成

丁女大口歲納米八升官支與食鹽三斤是年至天順六年同物

料曰課鐵邵武縣獨辦雜皮翎毛弓弦矢翎毛翠毛魚鱓猪

鵝鷄荔枝圓眼白砂糖黑砂糖香葷蜜黃蠟白蠟芽茶

葉茶曆日紙松煙白硝麂皮金箔邵武鎮東軍器葛楮

家火雜墨烏梅桃木酒醋課鈔凡三十品俱該年里甲出辦驛

傳五所合馬二十匹驢一十一頭船一十八艘陸夫三

十五名運夫一百三十一名館夫一十六名厨夫五名

鋪陳六十四副邵武縣正賦秋糧米三萬一千九百三

十六石九斗四升四合秋租鈔一百三十六錠四貫七

伯四文夏稅鈔三百五十三錠二伯六十一文農桑絹

九疋一丈二尺七寸雜賦魚課米九百五十一石四斗

三升有閏加七十九石二斗八升五合八勺三抄後並同鹽糧同物料品物同惟

雜皮翎毛半折造胖襖褲鞋翎毛折熟鐵以後三驛傳縣同

樵川驛馬八疋驢五頭船一十艘陸夫三十五名館夫
八名厨夫二名鋪陳一十八副林墩驛馬四疋驢三頭
運夫五十六名館夫四名厨夫二名鋪陳八副拿口驛
馬四疋驢三頭船五艘館夫四名厨夫一名鋪陳一十
五副

光澤縣

正賦

秋糧米一萬三千七百九十七石八

斗二升四合四勺秋租鈔一十五錠三貫九伯六文夏
稅鈔一百五十錠四伯九十一文農桑絹五匹一丈三

尺五寸

雜賦

魚課米二百五十四石七斗三升一合六

勺

有閩加二十一石二斗二升七合六勺三抄後並同

鹽糧物料同驛傳杭川驛

馬二疋船三艘運夫四十五名鋪陳一十三副杉關驛

馬二疋運夫三十名鋪陳一十副**秦寧縣****正賦**秋糧米

七千九百六十三石九斗二升一合秋租鈔七萬六千

四百三十六文夏稅鈔五十萬一千一百五十文農桑

絹五匹九尺**雜賦**魚課米一百四十五石七斗六升七

合有閏加一十二石一斗四分**鹽糧物料同****建寧縣****正賦**

秋糧米一萬四千一百三十石五斗五升二合秋租鈔

一十六萬三千四百文夏稅鈔七十九萬二千三百五

文農桑絹一十四匹三尺五寸**雜賦**魚課米八十一石

九斗三升六合

有閏加六石八斗二升八合後並同

鹽糧物料同

永樂十年府

正賦

秋糧米視洪武間減一千一百五十

三石二斗四合四勺秋租鈔增六十六錠二貫九伯六

十三文夏稅鈔減一十三錠四貫一伯八十四文農桑

絹同

雜賦

魚課米鹽糧物料驛傳俱同

邵武縣

正賦

秋

糧米增二百九十一石四斗八升七合秋租鈔增六十

三錠四貫二伯三十文夏稅鈔減一錠二伯八十一文

農桑絹同

雜賦

魚課米鹽糧物料驛傳俱同

光澤縣

正

賦秋糧米增一百五石七斗六升五合六勺秋租鈔增

二貫七伯一十六文夏稅鈔增五伯一文農桑絹同

賦魚課米鹽糧物料驛傳俱同

泰寧縣

正賦秋糧米增

二十八石九升五合秋租鈔增二貫六伯七十三文夏

稅鈔減三伯五十二文農桑絹同

雜賦

魚課米鹽糧物

料同

建寧縣

正賦秋糧米減一千五百七十八石五斗

五升二合秋租鈔減一錠三貫三伯四十四文夏稅鈔

減一十二錠四貫五十二文農桑絹同

雜賦

魚課米鹽

糧物料同

宣德七年府

正賦

秋糧米視永樂間減四千九百四石

三斗八升八合一勺秋租鈔減一貫三伯七文夏稅鈔

增一錠三貫四伯二十六文農桑絹同雜賦魚課米鹽

糧物料驛傳俱同邵武縣正賦秋糧米減二千二百六

十五石九升八合秋租鈔同夏稅鈔增二文農桑絹同

雜賦魚課米鹽糧物料驛傳同光澤縣正賦秋糧米減

九百五十九石四斗六升一勺秋租鈔減八伯三十三

文夏稅鈔減二伯六十六文農桑絹同雜賦魚課米鹽

糧物料驛傳俱同泰寧縣正賦秋糧米減三百四十五

石七斗六升五合秋租鈔同夏稅鈔增二十二文農桑

絹同 **雜賦** 魚課米鹽糧物料俱同 **建寧縣** **正賦** 秋糧米

減一千三百三十四石六升五合秋租鈔減四伯七十

四文夏稅鈔增一錠三貫六伯六十八文農桑絹同 **雜**

賦 魚課米鹽糧物料俱同

正統七年府 **正賦** 秋糧米視宣德間增一十石六斗九

升秋租鈔同夏稅鈔增四伯三十文農桑絹同 **雜** 魚

課米鹽糧物料驛傳俱同 **邵武縣** **正賦** 秋糧米秋租鈔

夏稅鈔農桑絹俱同 **雜** 魚課米鹽糧物料驛傳俱同

光澤縣 **正賦** 秋糧米秋租鈔夏稅鈔農桑絹俱同 **雜** 賦

魚課米鹽糧物料驛傳俱同 **泰寧縣** **正賦** 秋糧米秋租

鈔夏稅鈔農桑絹俱同 **羅賦** 魚課米鹽糧物料俱同 **建**

寧縣 **正賦** 秋糧米增一十石六斗九升秋租鈔同夏稅

鈔增四伯三十文農桑絹同 **羅賦** 魚課米鹽糧物料俱

同

景泰三年府 **正賦** 秋糧米視正統間增一斗二升八合

秋租鈔同夏稅鈔增九文農桑絹同 **羅賦** 魚課米鹽糧

物料驛傳俱同 **邵武縣** **正賦** 秋糧米秋租鈔夏稅鈔農

桑絹俱同 **羅賦** 魚課米鹽糧物料驛傳俱同 **光澤縣** **正**

賦秋糧米秋租鈔夏稅鈔農桑絹俱同 **雜賦**魚課米鹽

糧物料驛傳俱同 **泰寧縣** **正賦**秋糧米增一斗二升八

合秋租鈔同夏稅鈔增九文農桑絹同 **雜賦**魚課米鹽

糧物料俱同 **建寧縣** **正賦**秋糧米秋租鈔夏稅鈔農桑

絹俱同 **雜賦**魚課米鹽糧物料俱同

天順六年府 **正賦**秋糧米秋租鈔夏稅鈔農桑絹俱同

雜賦魚課米同鹽糧始額徵不納米 無閩每丁口各徵銀一分五釐三毫

三絲一忽有閩每丁口各徵銀一分六釐六毫八忽始為例後皆同 **京庫米五千九十三**

石四斗八升本色鈔折色鈔合折銀七百六十四兩四

分九釐二毫八絲六忽二微五織府庫米五千九十三石四斗八升本色鈔折色鈔合折銀一千一百一十八

兩七錢四分六釐五毫物料驛傳俱同 **邵武縣** **正賦** 秋

糧米秋租鈔夏稅鈔農桑絹俱同 **雜賦** 魚課米同鹽糧

京庫米二千三百四十六石一斗本色鈔折色鈔合折

銀三百五十一兩九錢二分七釐五毫七絲一忽二微

五織府庫米二千三百四十六石一斗本色鈔折色鈔

合折銀五百一十五兩三錢四釐一毫一絲物料驛傳

俱同 **光澤縣** **正賦** 秋糧米秋租鈔夏稅鈔農桑絹俱同

雜賦 魚課米同鹽糧京庫米九百五十六石二斗四升

本色鈔折色鈔合折銀一百四十三兩四錢四分一釐

一毫一絲九忽府庫米九百五十六石二斗四升本色

鈔折色鈔合折銀二百一十兩三分一釐二毫八絲二

忽物料驛傳俱同 **泰寧縣** **正賦** 秋糧米秋租鈔夏稅鈔

農桑絹俱同 **羅賦** 魚課米同鹽糧京庫米九百八十三

石二斗八升本色鈔折色鈔合折銀一百四十七兩四

錢九分七釐二毫六絲八忽府庫米九百八十三石二

斗八升本色鈔折色鈔合折銀二百一十五兩九錢七

分四毫二絲九忽物料同 **建寧縣** **正賦** 秋糧米秋租鈔

夏稅鈔農桑絹俱同 **雜賦** 魚課米同鹽糧京庫米八百

七石八斗六升本色鈔折色鈔合折銀一百二十一兩

一錢八分三釐三毫二絲八忽府庫米八百七石八斗

六升本色鈔折色鈔合折銀一百七十七兩四錢四分

六毫七絲九忽物料同

成化八年府 **正賦** 秋糧米視天順間增八斗八合秋租

鈔同夏稅鈔增六十一文農桑絹同 **雜賦** 魚課米鹽糧

物料驛傳俱同 **邵武縣** **正賦** 秋糧米增八斗八合秋租

鈔同夏稅鈔增六十一文農桑絹同雜賦魚課米鹽糧

物料驛傳俱同光澤縣正賦秋糧米秋租鈔夏稅鈔農

桑絹俱同雜賦魚課米鹽糧物料驛傳俱同泰寧縣正

賦秋糧米秋租鈔夏稅鈔農桑絹俱同雜賦魚課米鹽

糧物料俱同建寧縣正賦秋糧米秋租鈔夏稅鈔農桑

絹俱同雜賦魚課米鹽糧物料俱同

弘治十五年府正賦秋糧米視成化間增三石六斗五

升四合秋租鈔同夏稅鈔增二伯七十三文農桑絹同

雜賦魚課米鹽糧物料驛傳俱同商稅課鈔舊為稅課司十三年

始於各縣均徭編徵解府以後同

邵武縣

正賦

秋糧米增三石六斗五

升四合秋租鈔同夏稅鈔增二伯七十三文農桑絹同

雜賦魚課米鹽糧物料驛傳俱同帶辦課鈔三千九百

五十錠三貫七伯五十文**光澤縣****正賦**秋糧米秋租鈔

夏稅鈔農桑絹俱同**雜賦**魚課米鹽糧物料驛傳俱同

帶辦課鈔一千二百三十八錠三貫三伯一十六文**泰**

寧縣**正賦**秋糧米秋租鈔夏稅鈔農桑絹俱同**雜賦**魚

課米監糧物料俱同帶辦課鈔一千二百七十八錠八

伯文**建寧縣****正賦**秋糧米秋租鈔夏稅鈔農桑絹俱同

雜賦 魚課米監糧物料俱同

正德七年府**正賦**秋糧米視弘治間增一斗七合秋租

鈔同夏稅鈔增八文農桑絹同**雜賦**魚課米同監糧至

四年取辦于八分丁料民甚便之物料驛傳課鈔俱同**邵武縣****正賦**秋

糧米增一斗七合秋租鈔同夏稅鈔增八文農桑絹同

雜賦魚課米監糧物料驛傳課鈔俱同**尤澤縣****正賦**秋

糧米秋租鈔夏稅鈔農桑絹俱同**雜賦**魚課米監糧物

料驛傳課鈔俱同**泰寧縣****正賦**秋糧米秋租鈔夏稅鈔

農桑絹俱同**雜賦**魚課米監糧物料課鈔俱同**建寧縣**

正賦 秋糧米秋租鈔夏稅鈔農桑絹俱同 **雜賦** 魚課米

鹽糧物料俱同

嘉靖十一年府 **正賦** 秋糧米視正德間增三十三石六

斗九升九合秋租鈔同夏稅鈔增二貫五伯二十文農

桑絹同 夏稅絹二者正德十四年後取辦于八分 **雜賦**

魚課米 嘉靖十年守丘民範 鹽糧 今始額徵物料今亦

于六分丁料使 驛傳 前此變更不一費亦無經今每糧

司收支解部 課鈔同 **正賦** 秋糧米增六石六

用民甚便之惟 課鈔同 **正賦** 秋糧米增六石六

恐其或更也 斗八升一合秋租鈔同夏稅鈔增五伯文農桑絹同 **雜**

賦魚課米鹽糧物料驛傳課鈔俱同
光澤縣
正賦秋糧

米秋租鈔夏稅鈔農桑絹俱同
雜賦魚課米鹽糧物料

驛傳課鈔俱同
泰寧縣
正賦秋糧米秋租鈔夏稅鈔農

桑絹俱同
雜賦魚課米鹽糧物料俱同
驛傳每歲徵銀解府奏樵

川驛應辦課鈔同
建寧縣
正賦秋糧米增二十七石一升八

合秋租鈔同夏稅鈔增二貫二十文農桑絹同
雜賦魚

課米鹽糧物料俱同
驛傳每歲徵銀解府奏樵
川驛應辦

役嘉靖二十二年府銀差歲合銀二千七百三十三兩計

三百九十一人
銀正差曰柴薪八十二人
人銀一十二兩有閏加一

兩曰馬夫二百五十人人銀四兩曰齋夫三十四人人銀十二兩

有閩加一兩曰膳夫一十二人人銀二十兩通三百七十八人合

銀二千六百三十二兩銀雜差曰使司書手四人人銀八兩

曰借撥隸兵六人人銀一十兩曰富戶三人人銀三兩通一十三

人合銀一百一兩力差歲合八百七十七人計銀三千

七百六十兩四錢二分力正差弓兵一百一十六人司使

四人人銀五兩四錢運司二人人銀七兩二錢屬縣一百一十人人銀三兩合銀三百六十

六兩斗級二十七人府倉八人人銀七兩二錢儒學倉一十一人人銀六兩屬縣倉八人

人銀三兩六錢合銀一百五十二兩四錢倉夫七十人東西南北倉一

十兩者四十一人
六兩者二十九人
合銀五百八十四兩
殿夫五人
四人銀

合銀二十兩
壇夫一十二人
八錢
合銀九兩六錢
橋夫

一十七人
新屯橋二人
人銀三兩
南津鎮安楓溪三橋
各二人
攔溪一人
人銀二兩四錢
東北橋八

人銀一兩八錢
合銀三十七兩二錢
渡夫一十五人
和順以下三渡

五人
人銀三兩
蜜溪以下八渡
各一人
人銀一兩八錢
合銀三十四兩

六錢舖兵二百五十一人
三人銀
合銀七百六十八兩
通

五百一十三人
合銀一千九百七十一兩八錢
方雜差

解戶三人
上解戶二人
人銀三十兩
中解戶一人
人銀二十兩
合銀八十兩
庫子

二十九人
使司五人
人銀七兩二錢
運司一人
人銀二十兩
兩府三人
人銀二十兩
屬縣八人
人銀九兩

儒學一十二人
銀六兩
合銀二百六十兩
隸兵一百九十人
使司

二人人銀七兩二錢運司二人人銀六兩府五十
六人人銀四兩屬縣一百二十人人銀三兩六錢
合銀

七百五十四兩四錢獄卒二十六人
按察司六人人銀
一十一兩二錢府

二十人人銀一十兩
合銀二百六十七兩二錢秤子一人
銀三兩

門子四十五人
府五人人銀四兩
案院守巡道九人
銀六兩屬縣

九人人銀二兩朱文公而下八祠皆一人
人銀八錢丹崖使院一人銀二兩五錢
合銀一百四

十二兩九錢禁子二十四人
邵武六人人銀六兩
光泰
建皆六人人銀三兩六錢

合銀一百兩八錢稅課司
巡攔四十四人
邵武一十二
人銀三兩

六錢光澤一十六人正辦人銀八兩六錢一分
五釐帶辦人銀二兩泰建一十六人人銀三兩
合銀一

百七十六兩一錢二分鐘夫視夫各一人人銀一兩八錢通三

百六十四人合銀一千七百八十八兩六錢二分邵武

縣銀差歲合銀一千一百六十二兩計一百七十人銀

正差曰柴薪四十二人人銀一兩十二兩曰馬夫一百一十人人銀

四兩曰齋夫八人人銀一兩十二兩曰膳夫四人人銀二兩通一百六

十四人合銀一千一百二十兩**銀雜差**曰使司書手二

人人銀一兩八兩曰借撥隸兵二人人銀一兩十兩曰富戶二人人銀三兩通

六人合銀四十二兩**力差**歲合一千六百四十六兩六

錢計三百六十二人**力正差**弓兵三十一人使司一人銀五兩四

錢水口巡檢司三合銀九十五兩四錢斗級七人府倉

人銀七兩二錢儒學五人銀六兩合銀四十四兩四錢倉夫三十人南東

北新倉共二十九人銀六兩合銀二百九十六兩殿夫二

人銀四兩合銀八兩壇夫三人八錢合銀二兩四錢橋夫

一十人東北浮橋八人人銀一兩八錢合銀二十兩四錢

渡夫七人和順二人人銀三兩蜜溪危家大乾三人

銀一十五兩六錢舖兵一百二十七人三兩合銀三百

九十六兩通二百一十七人合銀八百七十八兩二錢

力雜差上解戶一人銀三兩庫子一十五人使司五人銀七兩二錢

運司一人銀二十兩府一人銀二十兩
縣二人銀九兩儒學六人銀六兩
合銀一百三十

兩隸兵七十人
使司二人按察司四人人銀皆七兩二
錢運司二人銀六兩府三十二人人

銀四兩縣三十人
人銀三兩六錢
合銀二百九十一兩二錢
獄卒一十

五人
按察司三人人銀一十一兩二
錢府一十二人人銀一十兩
合銀一百五十三

兩六錢稅課司
巡攔一十二人
人銀三兩六錢
合銀四十三兩

二錢秤子一人
銀三兩六錢
門子二十三人
府五人人銀四兩
儒學六人人

銀六兩射圃鄉賢一人銀四兩
察院守巡道南倉拿口
林墩公館縣共七人人銀二兩
朱文公李忠定黃簡肅

劉文簡四祠各
一人銀八錢
合銀七十七兩二錢
禁字六人
人銀六兩合

銀三十六兩鐘夫規夫各一人
人銀一兩八錢
合銀三兩六錢

通一百四十五人合銀七百六十八兩四錢光澤縣銀

差歲合銀四百六十九兩計七十二人銀正差曰柴薪

九人人銀一十二兩曰馬夫五十人人銀四兩曰齋夫九人人銀一十二兩

曰膳夫二人人銀十兩通七十人合銀四百五十六兩銀

雜差曰借撥隸兵一人人銀十兩曰富戶一人人銀三兩合銀一

十三兩力差歲合銀七百四十七兩七錢二分計一百

七十九人五分力正差弓兵三十一人使司一人銀五兩四錢杉關巡

檢司三十人合銀九十五兩四錢斗級七人府倉三人銀七兩

二錢際留倉二人人銀三兩合銀四十兩八錢倉夫二
六錢儒學二人人銀六兩

十三人 東西南北倉共一十九人 銀一十兩 合銀一百五十

四兩 殿夫一人 銀四兩 壇夫三人 銀八錢 合銀二兩四錢 渡

夫五人 二兩 合銀一十兩 舖兵四十五人 三兩 合銀一

百三十五兩 通一百一十五人 合銀四百四十一兩六

錢力雜差 上解戶一人 銀三兩 庫子四人五分 府半名銀

學二人 人銀九兩 儒學二人 人銀六兩 合銀四十兩 門子七人 察院守巡道

書院道學祠各一人 人銀八錢 合銀二十一兩六錢

隸兵三十人 人銀三兩六錢 合銀一百八兩 禁子六人 人銀三兩六錢

合銀二十一兩六錢 巡攔一十六人 正辦八人 人銀八兩六錢 一分五釐

帶辦八人
人銀二兩
合銀八十四兩九錢二分通六十四人五分

合銀三百六兩一錢二分
奉寧縣銀差歲合銀五百八

十二兩計八十人
銀正差曰柴薪一十五人
人銀一十二兩曰

馬夫五十人
人銀四兩曰齊夫一十一人
人銀一十二兩曰膳夫三

人銀二
十兩通七十九人合銀五百七十二兩
銀雜差曰

借撥練兵一人
銀一十兩
力差歲合銀五百八十七兩一錢

計一百三十六人五分
力正差弓兵一人
銀五兩四錢
斗級

八人
府倉二人人銀七兩二錢
儒學二人人銀六兩
際留倉四人人銀三兩六錢
合銀四十

兩八錢倉夫五人
預備東倉四人人銀一十兩
南倉一人人銀六兩
合銀四十六

兩發夫一人銀四兩壇夫三人銀八錢合銀二兩四錢渡夫

三人銀三兩合銀九兩舖兵四十七人銀三兩合銀一百四

十一兩通六十八人合銀二百四十八兩六錢力雜差

庫子四人五分府半名銀一十兩縣二人人銀六兩合銀四十

兩隸兵三十四人使司四人人銀七兩二錢縣三十人銀三兩六錢合銀一百

三十六兩八錢獄卒九人按察司三人人銀一十一兩二錢府六人銀一十兩

合銀九十三兩六錢門子七人守巡道二人人銀二兩府館縣二人人銀二兩

儒學二人人銀六兩丹崖使院一人人銀二兩五錢合銀二十二兩五錢禁李六

人銀三兩六錢合銀二十一兩六錢帶辦巡攔八人人銀三兩合

銀二十四兩通六十八人五分合銀三百三十八兩五

錢運寧縣銀差歲合銀五百二十兩計六十九人銀正

差曰柴薪一十六人人銀一十二兩曰馬夫四十人人銀四兩曰齋

夫六人人銀一十二兩曰膳夫三人人銀二十兩通六十五人合銀

四百八十四兩銀雜差曰使司書手二人人銀八兩曰借撥

隸兵二人人銀一十兩合銀三十六兩力差歲合銀七百七

十九兩計一百九十九人力正差弓兵五十三人使司一人

人銀五兩四錢運司經歷司共二人人銀七兩二錢西安巡檢司五十人人銀三兩合銀一百六

十九兩八錢斗級五人府倉一人人銀六兩際留倉二人人銀

三兩合銀二十六兩四錢倉夫一十二人城南西安二倉皆二人

銀一十兩東西北新立倉共八人人銀六兩合銀八十八兩殿夫一人銀四兩

壇夫三人八錢合銀二兩四錢橋夫七人兩四錢合銀

一十六兩八錢舖兵三十二人三人銀三兩合銀九十六兩通

一十一十三人合銀四百三兩四錢力雜差中解戶一

人銀二兩庫子五人府一人銀二十兩縣二人人銀九兩儒學二人人銀六兩合銀五

十兩隸兵五十六人按察司照磨所二人人銀七兩二錢府二十四人人銀四兩縣三十

人銀三兩六錢合銀二百一十八兩四錢獄卒二人人銀一十兩

合銀二十兩門子八人守巡道府館縣各一人人銀六兩城隍廟

濉溪書院各一人銀八錢 合銀二十一兩六錢禁字六人人銀三兩六錢

合銀二十一兩六錢帶辦巡攔八人人銀三兩合銀二十四

兩通八十六人合銀三百七十五兩六錢

貢宋邵武軍貢紵上供銀一千四百四十一兩四錢乾會

聖節銀二百五十兩大禮銀四百兩元無

皇朝國初貢鐵弓矢皮毛藥後益以雜料兼徵今取辦于六分丁料

鄙人嚴羽均記吾邑居萬山之中隨山曲折高下去

丘陵林麓得十之一土隘故民稀力勞故產薄通一邑

歲入縣之後數其為石者萬六千餘而占籍官田居大半其可役者不滿十之五於五之中又以其二去為雜役至鄉胥在官者三歲更番僅五之一其豪民避役又率破碎匿名不可鉤擷大抵存者十之二耳重以寇燬

亡失版籍比歲軍興供費十倍見役者率惟稱貸于本
邑市產以應趨辦民且弗堪將胥爲逋播則邦本弗支
而官亦病矣至正十有六年冬監邑安公安答兒禿泊
邑令張公祥來上稽吏牘召役者而訊焉十不五六一
皆藍縷窶困徵責無所出徒荷校負絃號苦無訴而姦
猾隱避迺獨偃仰自休二公廉知其弊之素積咸以國
制累以五事六事責守令爲殿最均賦役其一也然孟
氏謂民無恒產則無恒心苟無恒心放僻邪侈無不爲
已蓋賦役均則民無偏重自無破產之患既有恒產則
有所養以爲生有所養則有所籍而有恒心詞訟乃可
簡田野乃可闢盜賊可息學校可興常平可行是賦役
一事實五事六事之根柢也今弊若此使弗有所更張
民日益蹙政日益隳當奚以塞吾責乎卽具因革利病
上于總府總府躡之下其書于張公使之經畫公乃同
監邑安答兒禿合其僚主簿虞信典史楊省夫吏屬黃
子良何君齡蔣伯起丘榮貴李宗茂泊邑之役戶僉議
徭役條目復采之儒宿老成之論既克協乃矢于神敢
有蒞事而不公迺心不敏厥職迺惟貨是徇神其殛之

勿宥於是下令約隱折苗產首實釐正加覈上年卷牘
比較登耗之數而叅稽焉先是邑以里正主首十鄉同
役地廣而役重費同而產力不同移後促前就輕避重
民甚苦之今各都惟設主首一人五十三都歲二番爲
主首者一百有六三歲六番總爲三百一十有八一主
首率以苗二石五斗爲正役在官應辦餘畸碎小戶爲
助役出錢佐費凡邑之租苗課鐵職田廢寺僧人糧役
有徵無徵皆差次截補爲三百一十八分一主首止理
一都地窄而民易知在官者常五十三人衆而事易
就戶有定產而無輕重偏倚之私役有定歲而無移攢
疏數之弊編次既定爲總籍二一上總府一留本縣分
之爲三百一十八籍主首各收其一凡籍之所載歲各
視其數而具焉當役之期亦視其次而周焉事若繁而
實簡法若畧而實詳可謂大公而至均者矣邑之稅產
雖薄而民之情各絲芥密神藏鬼幻歛忽萬端自非
至公足以推誠率下通材足以經事綜物亦安能於至
煩之中而成至簡之法哉惟後長斯邑者其永念二公
創理之勞其勿輒以已意汨陳之則成法可久而治効

亦求有令譽矣守番口議處橫征文移累擢光澤縣印
 信手本內開節蒙鎮守府派取止馬芽茶蜂蜜等項品
 物正德十一年二起共價銀八十九兩三錢十二年銀
 數與上年相同十三年四起內添機布花木禽鳥共銀
 一百一十一兩三錢十五年三起共銀一百二十兩三
 錢又開市舶府派取前項品物正德十一年一起銀二
 十五兩十三年三起共價銀五十三兩四錢十四年三
 起共銀五十七兩五錢十五年六起共銀一百六十兩
 比之上年多銀一百餘兩且內二起又係舍人李鏐等
 賫牌徑赴該縣坐取花盆等項銀七十兩原無邵武府
 轉行文移非惟有乖事例抑且有礙照刷及查前銀多
 係科歛見年里甲並無別項措置黎民困苦道路差怨
 舉光澤一縣則邵武等三縣可以槩見舉以前年數則
 以後年分尤所當慮乞將鎮市二府派取品物從長計
 處斟酌定則或只照正德十一年派到光澤縣價銀歲
 以為常毋致增加每歲催取牌行本府轉派徵解再無
 徑差舍人至縣催擾其前項銀兩乞於丁糧八分餘銀
 數內支解或查在庫贖罰紙米價銀奏支附卷送刷不

致似前科派見年里甲實地方無窮之福守立民範議

免魚課疏畧

本府四縣周歲無閏之年共有魚課米一

千四百三十三石八斗六升四合六勺有閏之年共有

魚課一千五百五十三石三斗五升三合三勺切緣四

縣僻居山谷溪淺水峻朝溢夕涸並無蚤戶亦無魚船

間有小民逐日捕討魚鮮大不滿尺重不及斤盡一日

之力僅足以供一日之需而已自先年額定捕魚人戶

每戶納糧一石二斗各謂魚課利入於小民者無纖毫

糧收於官家者有十倍迨今年遠累甚或流離奔竄而

魚戶之名尚在或丁盡戶絕而魚課之米猶存致累同

班甲首鬻男賣女貽苦何伸急則本管里長代納又急

則催科排年出賤額循舊而不缺累及衆以無窮此小

民飲痛悲號無所空訴臣等又繫於心未知所以為處

也近為處置驛傳事本府所屬五驛一年餘剩銀不下

一千餘兩其餘原係四縣田糧均派既有餘剩相應補

用上既不失公家舊額下亦少舒細民重覆倍苦之累

制曰

可民甚德之邵武令曹察均平能後冊序嘉靖十一年

天下版圖更始屬察以知邵武事來也首斯役焉察念

夫天下不古而弊也久矣若是者奚翅千萬然其甚者
於版圖焉止矣版圖之弊曠而難究詭而不可稽若是
者又奚翅千萬然其甚者曰詭寄曰飛射曰埋沒焉止
矣何謂詭寄投豪右而附之田托廢置以掩其迹糧多
則差役易辦戶盛則財力可舒此其弊也富之利也何
謂飛射變幻冊籍歲改月殊流寓田畝倏來輒去此其
弊也巧之爲也何謂埋沒總具而撒不載甲推而乙不
收沉伏王田不供王賦此其弊也奸之極也夫富者利
則貧者困矣巧者利則拙者困矣奸者利則善良者困
矣茲法也所以弊也然索之則悠悠爾其端弗可得而
求焉窮之則黜黜爾其術弗可得而破焉蓋規利之心
至而慮患之計深也故俗謂之曰冊海言曠也曰冊鬼
言詭也是孰能究而稽之哉察愚之適有制可廷臣
奏下所司行通融法參伍丁糧裒益多寡劑量重輕均
節勞逸刻富豪之利杜奸巧之萌斯亦可謂精且嚴矣
執事者將事有恪民弗之便非不便也不便其私也故
曰賢者作法不肖者拘焉智者作法愚者忘焉亦其勢
然爾矧彼富者巧者奸之極者一旦奪其所利而驅之

於所不利豈能甘心焉爾乎大抵此輩之意一不過私其細民其二不過不忍割其糧私細民者曰與我共事久今且轉而爲他人役如花分何不忍割其糧者曰道里遠而輸納艱如不便民何間有不察其故而附和之者則又曰物之不齊物之情也而紊亂版籍之議於是紛紛然起矣察又憇之屬耆老李軒輩問焉曰物理不可齊宿弊獨不可革乎版籍不可亂新例獨不當奉行乎察曰柰何軒曰弘治中郡守夏公有平定均徭法者甚善後不知爲某公所壞公修復之何如察曰柰何曰以一縣之丁糧均爲十班以十班之丁糧均爲一則察曰此例意也得之矣於是遂請于府藩臬二司守巡二道督糧道皆曰可越明年癸巳冊告成乃如議事事覈其丁糧同其總撤通融斟酌定爲十年均徭之則編次成書屬軒輩觀焉咸曰範之有則詭寄者無所容矣限之以次飛射者莫之肆矣覈之有數埋沒者技將窮矣然則富豪奸巧者其將不利乎而貧者拙者善良者咸得蘇息於公公之造福於民何如也察曰詭寄者無所容法嚴於富公之道也飛射者莫之肆術勝於巧智之

能也埋沒者技將窮弊絕於奸勇之斷也察何人也而
敢聞此軒等又曰法善貴可久也澤施貴有繼也請布
諸梓察曰諾於是爲均平徭役冊是冊也丁計三萬二
千三百五十有二糧計二萬一千九百五十九石有奇
舊無稅今升科者八石有奇先失收今復入籍者二十
一石有奇通丁糧爲五萬四千三百一十一石有奇自
嘉靖十二年爲始該應役者伍千四百三十一石有奇
歲如例云又戶應復者應量免者率比舊額加厚有差
其名氏等則
已具載冊中

論曰版籍之事愚往不能曉也乃今考邵四邑之籍賦
役則自少而多戶口則自多而少禁紘謬亂不可勝道
愚竊傷之然此豈一日之漸哉盡吸樵川之水吐諸萬
峯之巔亦未能洗其流况有源耶聞諸民之言曰糧苦

差多賦苦名多若依前守盛顛夏英同知陸勉知縣曹
察通融一縣丁田均爲十甲十甲丁田均爲一則一甲
征科正敷一年之用則貧富適均而花分詭寄之弊可
革糧不撥運延平以建寧運入邵武者抵運勞逸總均
而土攬邵攬之巨奸可除驛傳之議善矣秋糧夏稅之
外一切公需皆併入八分丁料不復別有名色以取於
民今巡按御史大理高公利無不興害無不革且如庫
子一項上年用百金今不用十金他賦役省革亦稱是
表端於上吾民其蘇矣愚以所聞著諸論次興革之際

利於民也深矣

邵武府志卷之五

邵武府志卷之六

水利

敘曰水居五行之先爲萬物之母二儀津潤之清氣也於民事爲用尤急邵山群圍兩下如注盆中暴則懷襄崩割涸可立待民耕崔嵬涯澳之間澱泉潏澗淺溪導引渟瀆之難也愚蓋悲之故志水利

城中之水曰九曲溪源自樵嵐之巔濫泉東下十里注于油榨陂北折東流逾悟空山以趨城西經泥橋北流爲一曲循陰溝入城過武德橋爲二曲至沙堤橋乃折而

東爲三曲至化源橋爲四曲又北折流入泮宮三繞而
東爲五曲又折而北過泰和橋爲六曲北過晏公橋爲
七曲過昇平橋爲八曲下五姊橋爲九曲至通濟橋出
城北東經七星橋入于大溪石硯之水導自油榨陂之
南東流播于南郊逾南濠入陰溝由西營東折歷武陽
書院達上水寨北折至于倉巷口又西折岐而爲二俱
北流歷探花亭東折至鳳池坊入烏龍巷循陰溝入于

大溪

舊有木硯弘治十二年守夏英易以石

硯邵武城西南隅舊有水一道不知何時以木爲

硯跨河通溝引樵嵐下流入城自西營東折由武陽書

院以達上下二水寨巷上尾分一流北折而至福民坊

以及倉巷口少西折而至九龍觀前北流探花亭折而
至鳳池坊其倉巷口北流者分一派入常豐倉餘從巷
口達饒家井少折旋復東流布政分司前而至蓮塘後
又北折出鳳池坊與觀前北流而東者相會而入烏龍
巷乃循陰溝出城以達于溪故老相傳爲厭勝流惡而
設直未知作者誰或謂元至正間邵武守常公瓚因舊
城而築之基用石而完以陶甃是視恐常所爲未可知
也惜夫視以木屢葺屢廢今又廢者幾五十祀火菑疫
厲無歲無之說者謂有關於視之興廢弘治己未吉郡
夏公方田先生來守是邦民以爲公告公曰旣有益於
民亟爲之乃規度長短廣狹而一新之址以石甃者五
視以石刻延袤一十七丈北枕河岸以通于溝而入城
南亦枕岸以接其流而入視堅壯未固縈紆委折迹其
故有若汾澮之流惡侈其美彷彿山陰之曲水軍民上
下翕然稱快以記請於公公曰記爲某作則不可如邵
武之石鼓鎮龍西口藥師捲峯光澤之石圻埂頭建寧
之原莊龍公熊源等橋皆在所造仍舊而修者則有濟
川通泰三公等橋必欲以功計則不勝其書矣若曰記

以歲月俾後人知所自或有時圯壞而知所修理則可命卓記之

二水道引地脉衍漫

城中滋潤五土爲萬室飲食灌溉澡滌之利二流所不能及又掘地爲井汲取深清其在城中者凡五十有六井焉府署之井九縣署之井一有鐵闌府學南之井曰興賢井東隅之井八曰清寧井壽寧井廣節井皆以其坊名曰八泰井永隆井張家井祝家井則以其巷名又有烏龍井舊傳元皇慶元年旱禱有烏龍自井升天大雨七日因名西隅之井五曰清節井以其坊名撫營井以其巷名城下古井在西城基下又有舊縣學井太保

井南隅之井十曰中書井羅家井毛家井上水寨下水

寨井皆以巷名鐵闌井在縣南在常豐倉東者曰倉前

井在城隍廟者曰城隍井饒家井在高家巷魁第井在

南門裏北隅之井十曰米行井昇平井中街井頂巷井

皆以其巷名靈濟井在寶嚴寺四孔井在大石舖普濟

井在瓦石巷段家井在火巷王家義井在五姊橋仙源

井在孝老坊世傳宋熙寧中有徐熙春居此遇武夷道

人仙去因以名其井嘗有詩云天鍾秀氣魁城外郭東

有進賢井在王子高巷在遵道坊者曰遵道井在昇仙

橋右者亦曰導道井郭西有劉家井熙春井郭南有五

通井通泰井坳上井朱家井又有古井在和平東溪之

源泉殊甘寒俗訛呼古為苦上官均詩澄寂應無暗浪翻何年穿破碧雲痕誰人

為引千尋綆三伏炎蒸洒渴煩麓石障水曰壩自宋紹定初南鑿濠塹

城西南一帶雨集則四水汎濫奔騰如沸至壞城壁漂

廬舍雨止水駛如傾忽焉焦釜乃築四壩以障衍溢蓄

潤居美流惡焉一在城東濠一在城南濠一在城西濠

一在白渚溪之北又披山通道引泉穿渠穴地用蓄水

為利曰陂曰塘曰澗曰坑曰圳曰井焉邵武之東其陂

多瘠土九五十有二焉一都之陂七曰天圳陂引鷄籠
梁謝坑水南流東折溉田二十頃引大圳興聖寺二水
東流歷嚴家山麓爲芙蓉陂溉田二十頃大圳南流折
而東爲官陂溉田一十五頃下流爲二侯陂溉田五頃
又南流東折爲李家陂溉田一頃五十畝下流折而東
爲興聖寺陂溉田二頃大原陂乃導車頭水歷萬峯下
合芙蓉水折而東溉田二頃二都之陂一曰百泮陂是
受建陽之分水溉田八頃三都之陂三曰搯田窠口陂
溉田六十畝西岡橋有李家石陂乃導洪源水溉田六

頃企全有灌陂導二都水溉田三十頃五都之陂九曰
洒溪陂分引二都水溉田三十頃勳潭陂亦引二都水
溉田十五頃又有大陂溉田二十頃石角陂溉田十頃
在官源舖前有和豐陂溉田一十二頃其下流爲小錦
陂溉田二頃結子陂溉田二十八畝車碓陂溉田七十
畝烏拆坑陂引六都水溉田三頃其塘三曰王塘中有
上中下三麥湖劉家陂塘導六都水溉田二頃官陂塘
導二都水溉田一頃六都之陂二曰丁字橋陂源自分
水嶺南流至橋分導小圳至胡墩溉田八頃東流西折

合車碓水爲饒家陂溉田二十頃七都之陂四曰南山
下陂曰神公陂皆導六都之水溉田合二十六頃焉又
導神公之水爲黃公陂溉田五頃官田窠口陂導企盆
水溉田二十五頃九都之陂三曰禾窟石陂溉田五頃
導龍山溪水歷盧坊出拿口爲黃廣陂溉田四頃排下
陂溉田六頃十都之陂一導建陽界坑水過十一都爲
楊竹陂溉田九十畝十一都之陂一曰洋頭陂引上山
坊水會拱辰橋溪出十二都固住溉田十頃一十四畝
十三都之陂三曰花橋陂西山陂皆導巖嶺水溉田合

六頃引西山之水爲洪倉陂溉田十頃十六都之陂二
導七都水至塔山庵下由義圳爲桃溪陂溉田四十頃
引十七都之水爲黃溪陂溉田十頃十七都之陂二導
陽山水歷馮墩陶溪塔山至二王灘爲鳴山陂溉田二
十五頃傅家坊陂溉田五十頃十八都之陂三曰馮墩
陂溉田一頃二十五畝曰興林寺前陂溉田二頃曰官
陂引鳳田橋之水溉田四頃十九都之陂三曰西川坑
陂溉田一頃二十五畝曰民田後陂合二十都水溉田
一頃一十畝曰新田陂導二十都水溉田三頃曰西山

坑導二十都水溉田三十頃二十都之陂一曰同羅
坵陂溉田二頃二十二都之陂三曰槎湖窰陂溉田二
頃三十畝謝陂導龍山水溉田四頃石陂導小拿水溉
田三頃二十五都之陂一曰洋陂溉田二十頃二十六
都之陂一導賴源溪水歷黃盆茶墻魏家坊游家庄爲
大竹障臺陂溉田二頃二十九都之陂三曰中營官陂
溉田十頃四畝烏田陂溉田一頃三十六畝暑山陂溉
田十頃邑南之陂二十有四三十都之陂三曰小六郎陂溉
田十頃峽陂溉田五頃黃八羅口陂溉田一頃三十一

都之陂三曰觀陂導大三溪水溉田九十畝曰張湖陂
官家陂皆導石灰爐水溉田皆二頃三十二都之陂二
曰大洋坪陂溉田一頃五十畝山東方陂溉田一頃三
十三都之陂八曰石窰陂溉田一頃新陂溉田十頃曰
烏石段陂曰石溪頭陂溉田皆一頃六十畝官陂導四
十四都水溉田一頃二十畝交洋陂導四十四都水溉
田七頃暗溪口陂梁家坪陂溉田皆八十畝三十四都
之陂二曰龍輿陂溉田五頃鐵坑陂溉田三頃三十五
都之陂一導上層溪水達土村爲梁家陂溉田二頃四

十畝三十六都之陂二曰黎頭陂溉田一頃六十畝梁家陂導薯山水溉田九十六畝三十七都之陂二曰永豐陂梁家陂皆導愁思嶺水溉田合十頃有奇四十八都之陂一導古山水歷神峽昇仙二橋會中樵溪水爲虞陂溉田六十畝邑西之陂一十有一五十三都之陂一曰鍾家陂導金山水溉田一頃四十九都之陂二曰羊角陂卽田段村頭陂溉田一頃下黃家陂導光澤均山水溉田三頃五十都之陂三導四十六都大賴山流接石壁堂水爲七士橋陂溉田一頃曰石壁堂陂溉田

一頃二十畝高家渡陂導福禪山水溉田一頃五十三
都之陂五曰徐家陂溉田十頃四十畝任家陂溉田一
頃二十畝平阜陂溉田一頃導芹田之水歷嚴家山麓
爲樵嵐陂溉田一頃二十畝上注樵嵐之水曰油榨陂
下流繞于城中旁流爲樵嵐圳播于四十八都白渚橋
花園傅家塘仁壽段溉田七頃有奇邑之東北四都之
陂六曰踏上陂引源頭水溉田六頃有奇李家陂亦引
源頭水至于大坵溉田三頃衆家陂導二都水溉田四
頃下流爲饒家陂又流爲宋家陂皆溉田三頃又流爲

觀庄陂溉田五頃其圳一曰大源窠圳導三都近嶺水
溉田二頃厥田下上邑之東南二十七都之陂三曰天
湖陂溉田四頃官陂導二十八都水溉田二頃赤岸花
橋頭陂溉田六頃二十八都之陂一導西保藤嶺水至
扁嶺合流新舖爲觀音陂溉田四頃邑之西南三十九
都之陂曰大王陂導三溪水溉田五十畝四十都之陂
曰西竹陂導四十一都巖前水溉田二頃四十一都之
陂曰陳家陂引橫坑之水溉田五十畝四十三都之陂
二曰劉家陂三百陂皆導北巖山水溉田合四十三頃

四十五都之陂一導九頂峯水達濟仙橋會槎湖澗出
書錦橋爲上樵陂溉田四十頃四十六都之陂曰濟仙
橋陂導四十四都水入黃栢溪溉田三頃四十七都之
陂五曰黃栢溪罩頭陂導書錦橋水溉田一頃五十畝
下流爲竹頭陂溉田二頃松林頭陂溉田三十畝胡家
窠口陂溉田八十畝丁家段陂溉田五十畝

光澤縣之東有泉出焉曰黃北坑泉流經大門口塞門
口衍漫十都之間溉田二頃五十七畝曰坳下泉流于
八都匯爲松林陂溉田八頃在十八都有白水滌泉流

爲葉家陂溉田二頃分流于大伍陂溉田三頃石子坑
泉流于黃竹陂溉田三頃芭蕉陂引梁家圳水溉田一
頃邑南有泉出自分水坳獺嶺流于一都至于環翠橋
溉田二十畝雲巖山泉流經上東坑入江家陂溉田十
二畝仙華陂引巖婆橋水溉田一頃七十畝邑西之泉
曰黃源嶺泉流經高原衍于一都溉田二十畝天明山
泉歷高原之陰至于洪門入龔家陂溉田三十畝二都
之水引長山坳泉歷官橋流入赤嶺上陂溉田一頃下
流爲赤嶺下陂溉田七十畝又下流爲大傅陂與黃溪

水合漑田二頃大傳之下又有高田陂漑田一頃下流
爲舖前陂漑田一十八畝三都之陂一曰上洋陂引山
澗水漑田一十二畝四都之陂一曰楊梅陂導茶溪水
漑田八十畝五都之水曰上杉山泉流于上杉溪衍漫
畝澮漑田五頃高嶺泉流于查田漑田一頃六都之陂
曰道士陂導西溪之水漑田一頃泉出極高隘行于江
家渡亦漑田一頃官家源楊家源二源並流播于九都
漑田八十畝曰湛家源泉流于止馬清化達于萬安橋
漑田一頃何村巖下之水注爲十都之官家陂漑田二

十畝巖下泉流經虎塘溪至于十一都之巖陂溉田五
頃曰孔坑泉溉田二頃白羊山泉衍于十四都溉田五
十畝蔡源山泉播于吳屯橋溉田三十畝在十五都有
峯坳泉蔡嶺泉並流至于貫子橋入蓮塘陂溉田三頃
渠溪坳泉流入洪水坑歷吳屯橋溉田三頃鄧家源泉
注于湖塘陂溉田四頃蔡源泉匯爲袞袞陂溉田三頃
七十畝張家陂溉田三十畝大滌泉流經仙人滌入渠
溪衍于十六都溉田一頃其在十七都者曰白雲峯泉
歷山甘上逾大陽營入石城陂溉田三頃七十畝大和

山泉流于二十七都漑田一頃龔家滌泉流入黃石口
漑田二十畝邑之北有對塘壠泉流于十五都播于吳
屯橋之上下漑田一頃土源泉流經石海山逾檠山溪
入于十九都之張家陂漑田一頃分流爲車磨陂漑田
四頃導鄧源溪之水爲車磨陂漑田一頃其下流爲梧
桐陂漑田六頃又流爲張家陂漑田五十畝二十都之
泉曰源頭泉歷玲瓏胡象由漢溪入昭德陂漑田五頃
其流爲南安陂漑田二頃二十二都之陂曰青塘陂導
大溪水漑田一十三頃山口陂引萬山嶺水漑田二頃

泉出二十三都者曰山茶坑泉流經茶陽達游塘溉田
三頃茶宿坑泉與盤肩嶺泉俱流入于廟前陂溉田三
頃導甘竹溪水爲滌角陂溉田三頃南坑泉流于二十
四都至于交椅山與黃蓮坑泉合至于王湛又合豬兜
坑泉入新田溉田四頃二畝大滌泉與白水滌泉皆流
新田溉田二頃二十畝二十五都之泉曰大祺山泉溉
田五頃雲滌嶺下泉溉田五頃流于黃家陂溉田八十
畝二十六都之陂曰茶阜陂導新田溪水溉田三頃在
二十八都有南山泉溉田二頃白牛峯泉溉田二頃高

公嶺泉漫流于南隴埂溉田一頃五十畝傳家源泉溉
田一頃黃西坑泉溉田一頃鄧嶺王家邊上下二泉其
水迭爲消長俗人因曰輪李發水東流西折至于白沙
溉田四頃際頭泉樟樹坳泉皆流茅坪溪入闍黎陂溉
田一十三頃二十九都之泉曰新坑泉流于苦竹坑溉
田二頃天銀坑泉流于董家滌溉田一頃二畝邑西南
之泉曰嚴嶺泉流經李家坊衍于四都之間溉田二頃
邑之西北爲白水滌泉東流歷城山遶于十六都沙坪
溉田一頃其清冽尤著者曰錫杖泉過夏泉邑中之井

十有一在分司東者曰司前井在縣治南者曰縣前井

澄清井光祿井杭頭二井皆以坊名城隍井五通井張

王廟前井皆以廟名六角井在種德坊八角井在卓行坊

泰寧縣山下出泉其尤著者曰漱玉泉醴泉君子泉分

播以入于陂邑東之陂曰揚坑陂引鼓樓坳水流于水

南保漑田五頃有奇導黃坑溪之水爲鸕鷀陂漑田十

頃有奇福山保有黃石陂源自寶蓋巖下漑田一頃朱

口保有官陂導大溪之水漑田三頃有奇茅塘陂下接

車頭陂皆引李家源之水漑田合四頃二十畝引何家

泗水流于梅林保是爲苦竹陂溉田二頃交溪保之陂
曰謝坊陂導信義溪之水溉淇園山下田三十畝有奇
其圳曰交勝圳引交黃坑水過安濟橋溉田一頃信義
保有前坊陂引洪水坑水溉田一頃邑南永興二保之
陂曰大均陂導張源溪水溉田五頃新陂導寧路溪水
溉田一頃山夾陂導大均溪水溉田八頃三陂之水皆
流入于渠口陂溉田四頃仁壽保之陂曰中坊陂引蕭
坑水溉田三頃開善二保有吳陂引九峯嶺水溉田二
頃五十畝曰江陂引龍鳳山泉水溉田三頃梅口保之

陂曰二十四溪陂導赤坑溪水溉田四頃又導永興溪水爲均溪陂溉田五十畝依口保之陂曰廖家陂引依口坑水溉田二十畝善溪保之陂曰遊魚陂導建寧雙溪水溉田一頃其圳曰黃連圳舊溉田五十畝今淤爲石灘龍安保有滄石圳導深溪水溉田三頃邑西城步保之陂曰丁家陂又名鯉魚陂杜家陂是導城步溪水溉田二頃導石梯嶺水爲師姑陂溉田四頃瑞溪保之陂曰楊坊陂楊源陂皆引峩眉峯水溉田合四頃八十畝大田保之陂曰仙人陂是導溪水匯爲樟樹塘溉田

一頃坑頭陂引雙入石水溉田五畝西溪陂引建寧楚
下水溉田可數十畝邑北長興保之陂曰鄒坑陂引崇
化石門坑水溉田二頃福興保之陂曰大潭陂秋竹陂
皆導杉溪水溉田合四頃五十畝將溪保之陂曰黃坑
陂引邵武太和瑞慶巖水溉田六畝有奇下流入于朱
口溉田一頃導上夾溪水爲犁陂溉田一頃下流入于
窰頭爲如筒陂溉田五十畝又流于李家段爲鄒家陂
溉田五十畝崇化保之陂曰楊鴉陂上接鄒家陂別引
架羊山水溉田二頃流入上高保爲石壁陂兼引龍門

溪水溉田七十畝下流入于交潭陂溉田八十畝安仁保之陂曰際山陂引茶花嶺下水溉田五十畝石龍陂引楊林嶂水溉田六十畝邑中之井十有六在邑治內者四在邑治外之東西者二儒學之井一曰明福井保安井普勸井集慶井皆以寺名朱紫井以其巷名書錦井在書錦橋崇仁井在縣東聖公井在南隅街七星井在城西山下在養濟院者曰濟孤井

建寧縣

東

其泉曰寺泉

黃桑泉其陂曰

畚陂導安黃溪

水演于開山保溉田一頃五十畝下流入于黃源陂又

流爲雷陂又流爲惠安陂溉田合四頃安寅保之陂曰
漢溪陂是導其溪之水流于隘口藕塘溉田二頃下流
爲洋背陂溉田二頃洋背之水流爲洋田陂至于橫坊
溉田一頃四十畝永城保之陂曰黃陂導黃溪水溉田
一頃五十畝又流爲石板陂溉田十二頃又流爲官陂
溉田一頃引黃桑畝水爲板陂溉田四頃楚上保之陂
曰黃坊官陂引百丈濬水溉田二頃流爲東溪陂溉田
二頃洛羊保之陂曰稅下陂引金鏡山水溉田二頃邑
南之泉曰涼樹泉嚴塘泉星橋泉其塘曰西湖塘南湖

塘其圳曰金釵圳皆在在城保長吉保有九畝陂是引
鏡山之水溉田二頃流于九畝塘溉田二頃導黃家嶺
下水爲長吉圳流于饅頭嶽下溉田二頃五十畝引鏡
山之水流于將屯保爲石陂張公陂雙溪陂溉田合三
頃五十畝其圳亦曰將屯圳引黃家坑水溉田一頃鏡
村保有龍潭源自黃楊坪廣數丈深不可測溉田可千
畝其塘曰九支塘七支塘皆引鏡山之水溉田合二十
頃五十畝無頭塘溉田四十畝都上保之陂曰石角潭
陂引界頭水流爲黃家陂又流爲石陂溉田合五頃曰

三層漑引陳家漑合楊家段水漑田二十畝其塘曰三
漑坑塘星橋塘都下保有長圳引小娘嶺水流于羅坊
漑田一頃隆下保有劉家潭漑田一頃其水流于空擊
陂漑田一頃赤下保之陂曰龍潭陂亦引金鏡山水至
李家湖合嘍囉圳漑田三頃有奇邑西之泉曰玉泉澄
爲龍井甘冽不竭曰坑源泉可用汲且以灌漑曰客坊
泉里源泉皆以其保名保中之田資以爲潤在城保有
大嶺下圳引鳳山之水流于萬達橋漑田二頃富田保
之陂曰馮家陂引大佛嶺水漑田三頃下流爲寺壇陂

漑田三頃又下流爲觀音陂漑田一頃大南保之陂曰
石陂祝家陂皆導其溪水漑田合二頃三十畝張家陂
引楊源水漑田七頃李家陂引里心保水漑田一頃六
十畝黃家陂引都下保陳家滌水漑田一頃一十畝引
富田范家港水爲塘頭陂漑田一頃有奇上查保之陂
曰檀香陂引應坊之水漑田一頃里心保有黃土陂導
東溪水漑田二頃官陂導西溪水漑田一頃五十畝客
坊保之陂曰蝦蟆陂引里源之水漑田一頃新城保之
陂曰破田陂導溪之水漑田二十五畝黃家陂導碧灣

溪水溉田二十五畝引坑源之水爲梅樹坑溉田一頃
銀坑保之陂曰窰前陂茅家陂皆引三滌坑水溉田合
五頃隆安保有連家陂引小澗水溉田一頃邑之北有
合坑泉西溪泉黃溪保之陂曰周濟陂是引藍田之水
溉田一頃引豐源之水爲黃家坑溉田二頃藍田保引
百丈嶺水爲藍坑陂溉田二頃五十畝流至播鼓潭溉
田五十畝又流于石牛陂溉田二頃其塘曰高原淵塘
其大五畝引土際坊水爲張圳溉田一十二頃周平保
之陂曰富家陂引靈峯之水溉田二頃下流爲南山陂

溉田四十畝南山下流爲官庄陂溉田三頃官人陂引
歸坑之水溉田五頃引砦溪之水爲穿圳流于桃樹畝
山嶧下溉田三十畝淨安保之陂曰郭家陂引山澗之
水溉田一頃五十畝其塘曰湖窟塘其大一畝五分安
吉保有應家陂引其溪之水溉田二頃下流爲烏石陂
溉田一頃五十畝桂羊保有巖坑陂引山澗水溉田一
頃三十畝下流爲石上陂溉田一頃上黎保之陂曰彭
家陂導其溪水溉田一頃邑中之井十有三儒學之南
有興賢井清平坊有南街井曰水巷井在東街曰觀坊

井富官井在磻湖坊曰劉家井在熊家嶺下曰東門井
在里心保曰劉坑井在排前保曰陳坊井在都上保曰
牛皮井沙洲井在都下保曰溝橋井在周平保曰助駕
井在黃舟保曰白果井在黃坊保曰玉泉井在楚上保
曰黃坊井在未城保曰清潭井在開山保曰羊尾井在
安寅保曰田心井在上查保曰杜坑井峯下井簿井在
淨安保曰潘家井在安吉保

四境山多田少至墾丘陵關崔嵬以藝稼穡層層如百
級危階皆資源泉以爲利高下迂遠不可濬導乃引以

水激洞脩竹之笨首尾相續彌以低昂橫豎為勢上吞
高源橫低一尺豎激水可高一丈越山逾壑無遠不至
也臨溪之田溉以溪車一車兩輪施橫木或編竹于輪
端間可一尺繫筒于木竹穿軸于半崖之間架槽崖上
下輪于溪水激輪而軸自運其筒下以汲水上以傾于
槽達于畝澮溪上又有水碓水磨皆民之利焉

附錄黃鎮成喜雨詩序

昭武介萬山間其田率因山形

隆窪無曠土沃行之饒其溉灌皆引山泉轉輸無陂堰

瀦蓄之利高亢地雨則甌建奔決旬日不雨則旱惟地

多大山其神能時出雲雨歲乃可望至正四年夏四月

不雨至于五月同守松泉吳侯詢于羣言惻然憂之越

五日具香帛遣吏走羅山祠祝曰神食此土某奉

天子命牧此邦神治幽吾治明幽明雖殊所以任此民之責

一也今不雨吾既不忍矣神能雨神其忍之乎辭切義

激乃得請侯復潔齋純精潛禱于庭露坐山立誓不雨

不止有頃東北雲起蔽日申刻大雨至夜半翌日又大

雨原野霑溢塗人巷旅山氓澤叟鼓舞相慶知是雨之

自天而不知是雨之自侯方寸也蓋侯一以利物為心

初不斲人之知其與夫象龍呪蜥呼巫召庭徒事外紛

而無精意之感者異矣侯方以風化本學校而脩飭黌

宇北溪病涉而新建河橋二大役也侯獨奮力為之不

憚民死不克葬者為其斂送道者又揜埋之此其存

心可見矣嘻侯之心神之心也宜其膺蠻感召如桴應

之不爽侯雖不以為功而民受其賜可不知所自來諸

生咸作歌詩以述其事授簡請書將俟觀民風者有采焉

論曰邵水不經禹濬導又無李水西門豹鑿離碓穿渠

用溉田疇興辟其利害蓋嘗西登熙春極目雲際遂至

于舟臺窺南午之外北上萬峯望分水歷歷溪澳歎曰
甚哉邵水之害多於利也代天施長地力惟水源委畝
澮如斯則所恃者時雨耳漢書曰政令順時陰陽調和
終始相成十二月咸得其氣則水得其性而潤下非德
位孰當此者乎

津梁

敘曰水涸成梁水生乘梁水深舟濟水淺揭濟民未病
涉也陳覲川不爲舟梁而國憂孔明治蜀橋梁道路無
不修治君子以觀國焉故志津梁

樵嵐之水西來紆迴九曲爲九曲溪跨于一曲之上者曰

泥橋在城西門外跨于二曲之上者曰**武德橋**宋架木

爲梁後易以石在三曲者曰**沙堤橋**元元統間伐石券

砌四曲曰**化源橋**舊名**化城橋**跨學宮之南後移于櫺

星門左五曲曰**泰和橋**元至元間建以石後圯今架以

木泮宮之橋十有一皆在五曲之上焉六曲曰**仙源橋**

宋皇祐間建亦名**賈家橋**七曲曰**晏公橋**宋咸淳間建

八曲曰**昇平橋**元泰定間建九曲曰**五姊橋**正統間建

架于九曲之下流者曰**通津橋**景泰間建**邵武邑東之**

橋凡六十有一渡一十有四東出行春門曰城東濠橋

俗名弔橋二十九都之橋六曰昇仙橋是跨樵溪流

南濠下流之水舊名永福後圯宣德間令鄒良重建脩

十丈廣一丈五尺守何友改今名又東為三公橋是跨

鹿口溪之水舊名行春又名繡衣宋咸淳間漕使黃萬

石尚書憑夢得守廖邦傑重建改今名脩二十丈廣二

丈陳泰詩長橋自昔羨三公樓閣巍峩聳碧空來去不資舟楫利平平蕩蕩四方通繫于石岐

山之西者曰城東浮橋元至正七年總管鄭晟造舟為

梁于石岐山東屢修屢廢嘉靖十八年守王鈞移置今

所作舫二十四艘首迎上流以次分布間可一丈維以鐵鑲架板其隙以通行人溪流漲急當中流而解其鑲分繫兩岸別舟以濟歲籍役夫四名在桑棗園南者曰鹿茸橋東嶽橋在嶽廟巷正統間建中營橋在上生寺前元至正五年里人黃紹建脩十丈廣一丈二尺二十八都之橋五曰銅青橋是鎖高婆山下流之水跨于銅青兩山之間北臨大溪其下灘石齒齒成化間守劉元建尋圯嘉靖二十一年守邢址重建脩二十二丈廣二丈自爲記

郡城東沿溪十里有橋曰銅青舊跨以石歲久就圯橋連驛道七閩所經人稱病焉嘉靖

壬寅冬請于巡臺各道重議修建迺即故基中流兩崖
爲石墩四疊石各十有五層崇十有九尺墩之上縱橫
架木十有一層崇不及墩三之一覆板加甍冒屋十有
七楹崇十有五尺以遠風雨袤二十二丈有奇廣得袤
十之一木石之費計金二百四十餘緡取給縣帑弗以
擾民命邵武縣簿王朗董其事越癸卯夏季告成仍扁
曰銅青橋夫橋梁王政一事邵武萬山連絡中多溪澗
盛夏靈溢奔湍駛逸不可方舟匪橋弗濟茲用成事爰
紀諸石以志歲月云跨于黃溪者曰東保橋洪武十四年建後圯

成化間重建鶴冲上下橋舊有二橋圯于水成化十年

守馮孜令王拯重建新舖橋正統九年建後圯成化十

年守馮孜令王拯重建脩八丈廣一丈二尺二十七都

之橋四曰下坑橋在新舖跨山澗建以石脩六丈廣一

丈五尺曰上坑橋在下坑橋西亦跨山澗建以石曰新
屯浮橋元至正間拿川范氏累石爲址架木爲梁尋圯
後設官渡人多病涉嘉靖十三年令曹察以水口巡司
浮橋移置于此歲籍役夫四名曰橋坑橋里人李氏建
八都之橋六曰龔墩橋元大德元年里人建曰延福橋
在庵前曰黎尾橋在倉頭曰土垌橋在七畝曰采林橋
在寺前曰白鶴橋在臺山段凡五橋皆里人同建是有
官渡曰危家渡歲僉渡夫一名二十六都之橋三曰官
橋在龍潭街曰裏墩橋在官墩二橋皆里人同建曰魏

公橋在魏家坊成化元年里人募衆同建是有渡焉曰

官墩渡龍潭渡俱濟大溪二十五都之橋一曰嶺下橋

在薯嶺下弘治十七年里人官永暹立孟璟建脩五丈

廣一丈四尺二十四都之橋一曰梅嶺橋在鍾壑上成

化八年里人吳永慶建脩八丈廣一丈二尺二十三都

之橋一曰石橋在半山弘治六年里人建二十二都之

橋四跨于廖盆溪之口者曰秦定橋宋紹興十四年令

張注建後圯元泰定三年縣丞趙友石伐石重建脩一

十二丈廣一丈五尺

邑人危西仲記

樵川古昭武鎮宋

初爲軍郡當江閩要衝城東六十

里市曰拿口阻山挾水江流湍駛凡道江右入閩者必
 出其所紹興甲子里人請縣宰張注為石橋於市末歲
 丙子燬于兵於是架木樹梁以利涉然每淫雨旬日則
 水泛溢衝激輒復傾圮補葺支吾之擾日月官司之守
 以為文具因循四十餘年弗果成至泰定三年時江右
 趙公友石來佐是邦也道路之職佐實尸之曰茲橋去
 數十里民之困於是役也久矣乃進西仲而屬之曰今
 將復斯橋子其董是役且捐已俸命福之古田石工而
 計之鑿山輦石甃兩傍高長三丈以壯其岸中列二址
 層梁上起為甕門開三竇以泄水上為石闌三十柱趾
 高二十尺有奇上廣十有五尺東西跨岸視廣十倍之
 用楮幣以中統計者二百錠於是鄉閭遠近之士相告
 語曰公不以勢逼我而率先以勸蓋為斯民計也其可
 已乎乃樂輸其費始於泰定甲子五月越明年五月告
 成遇溫陵王君應祚來宰茲邑綱維是役與有力焉衆
 相與謀曰橋昔題鵬搏以神祠名今之經營也年紀泰
 定復請其名以紀其實曰盍記諸余觀世之役民者多
 矣然以力强之民固弗從且私于其間况能底於成乎

公以逸道使民而民子來可謂知所本矣昔趙充國曰
爲河湟之橋而漢史稱之然則此舉亦可書也已

秦平橋跨洋尾溪舊有橋屢修屢圯成化十年守馮孜

令王拯伐石重建脩十丈廣一丈八尺曰龍勝橋亦在

拿口景泰五年里人建曰茶壺橋在寺前弘治七年里

人募衆建脩十丈廣一丈五尺是有渡曰吳屯渡在拿

口驛前二十一都之橋二曰蔣公橋在許塘曰樹登橋

在張源二橋皆里人募衆建是有官渡曰密溪渡歲僉

渡夫一名十三都之橋一曰新橋在丘源弘治五年里

人募衆建十四都之橋一曰洒口橋在盧田口弘治十

二年守夏英建後圮嘉靖十六年守王鈞伐石重建脩
八丈廣一丈有渡焉曰磧石渡曰危名渡俱濟于大溪
十五都之橋一曰里仁橋跨黃溪小澗正德間里人同
建有渡焉曰黃溪渡在江源黃溪口里人以舟濟又有
繡溪渡在謝坊里人同造舟以濟仍積田以贍其費十
六都之橋二曰傘歷橋弘治元年令秦淳建曰柳營橋
在前坊今圮有渡曰義渡在高坊曰水口渡在水口寨
二渡俱濟大溪十七都之橋一曰通仙橋在大歷坑口
弘治二年里人馮順募衆同建脩七丈廣一丈是有渡

焉曰傅家坊渡在十七都曰官田墟渡在十八都上二
渡俱濟小溪十九都之橋三曰鳳田橋曰鴨母橋曰東
蕩橋皆里人募衆同建九都之橋二曰豐山橋在廖墩
洪武元年里人建後圯弘治六年里人重建曰拿下橋
弘治十六年里人吳福生募衆同建脩九丈廣一丈五
尺十都之橋一曰五通橋又名飛閣成化九年里人桂
祿建脩十丈廣一丈五尺十一都之橋一曰拱辰橋在
宋坊街洪武十年建後圯景泰四年里人重建脩八丈
廣一丈五尺十二都之橋二曰固住橋弘治十五年里

人同建曰湖山橋在固住市弘治十五年里人胡泰募
衆建脩十八丈廣一丈五尺五都之橋四曰昇雲橋在
洒溪舖上洪武三十三年令夏祥鳳建尋圯于水正統
五年令顏宗重建又圯成化五年守盛顛伐石重建脩
十四丈廣一丈五尺曰水南橋在水南廟西郡人建曰
高家橋在王堂街宣德間建曰石橋在橋坑天順間里
人建是有渡焉曰王堂渡在五都王堂舖上六都之橋
五曰丁字橋在洒路灣橋通三路如丁字宋紹興十五
年里人同建後圯成化七年守馬孜重建曰太平橋在

丁字舖前亦守馮孜建曰官橋在土橋段元至正間里

人建曰皇華橋在界首元至正十七年建曰乘駟橋在

梅里山口弘治十八年守夏英建脩十一丈廣二丈三

尺原泰園觀光發軔紫雲橋北上天衢萬里四都之橋

三曰黃公橋在翠霞里人建曰栗舍橋在窠口里人建

曰核林下橋里人建七都之橋一曰黃墩橋弘治十五

年里人同建已廢之橋一曰柳營橋邑南之橋十有七

南出武寧門曰城南濠橋四十八都之橋三跨于白渚

溪者曰通泰橋永樂元年同知侯澄建後圯天順六年

守何友重建又圯成化十七年守劉元累石為址五架

木為梁上有橋亭脩二十丈廣一丈六尺泰寧御昌記

陽號最清絕而禹貢為揚州之域星紀須女之分其土

夷曠其氣清淑其勢蜿蜒抱負業儒尚義數十萬家如

在碧玉環中通泰為橋尤環中之控扼者也左衛福山

右旋壽與前踵重岡而三峯峙其南後擁金湯而萬峯

聳其北其流則自雲錦委迤而東為眾流之經會誠一

郡之要津通道之襟帶橋建於昔亦已久矣天順戊寅

夏為洪潦所隳郡守何侯慨然嘆曰橋梁亦王政之一

端城南之道涉之者眾其可緩乎於是抗章于朝許

之遂命工易木以石捐已俸金為僚屬倡民之有田者

則驗畝勸資餘則募眾以補不及莫不樂侯之公且仁

歡然給助無有後移文節推周侯以董其事同寅協公

靡有違逸乃率郡人執事朱永瀨僧良因輩盟誓敢挾

以已私者神明必殛之咸精白一心奉行惟謹始於是

年冬十一月之吉落成於辛巳年春二月辛卯為址者

五砥柱中流者三麗水四道高三丈有奇廣二丈餘延
袤三十餘丈傍石以欄墉甃砌精密堅完工巧不啻駕
海之金梁橫空之偃月足以跨洪流疏禹鑿輕利涉而
爲濟川之大用矣以工計則數十萬力以資計則一千
餘鎰以日用供給費則精粒一千餘石其餘雜物應用
又不可以勝數不有以志之曷足以傳之乃走書命予
屬筆嗟夫古人以不忍人之心行不忍人之政故十一
月徒杠成十二月輿梁成民未病涉爲是故也通泰襟
帶南北綿亘西東可以通汀廣道江浙可以連吳楚達
帝畿固爲要衝而仁民者之所當急也何侯以朝著老成爲
聖明簡拔而牧是郡濟衆之仁旣已見於行事而節推周侯
一盜以公與凡僚屬士庶及各執事亦奉行至公之心
而無爽宜其鳩工庀材庶民子來而不日成之其視以
木爲梁不能堅於經久大有逕庭則侯之利澤及於人
人者亦弘治十四年守夏英重修歲籍夫一名在通泰
云博矣

橋東有仁遠橋宋紹興五年郡人翔建朱文公書扁在

芹田有曰通濟橋元皇慶元年里人黃鎮成建尋圯正
統五年傅恭重建脩十五丈廣一丈五尺三十都之橋
二曰藥師橋在危坊頭洪武四年里人建後圯弘治十
二年守夏英重建脩十五丈廣一丈二尺跨于曾坑口
者曰南泉橋弘治二年郡人都憲朱欽建歲籍役夫一
名構仁智堂于橋南置田一十五畝八分別籍田地爲
脩守遠計正德間同知徐鉉重修脩九丈廣一丈五尺
三十一都之橋二曰捲峯橋在山口弘治十四年守夏
英伐石建脩六丈廣一丈五尺構亭橋北以憩行旅

學訓何欽記畧武陽郡治之南地名山口崇岡絕壁縈

紆屈折迤邐而瞰于樵河中有澗澤泉溝洫諸水所會

由小而大由狹而廣舊有石橋歲久就圯邇年建以木

易於朽腐且當建泰往來要衝行者絡繹淋漓忽作往

往病涉弘治己未吉水夏方田公奉命來守是邦謀

於僚佐江陰陸公陸川龐公泊邑侯安仁姜公首募義

民李福輩出重金以為之倡餘則或勸貸或取贖以充

之經始於庚申四月辛酉二月告成自是完固雄麗屹

跨中流往者來者悉就坦途無復向日之病涉矣

曰陳家灣橋元大德七年里人建三十二都之橋四曰南橋在大傅岡洪武十八年

里人建曰邢家橋在邢家舖前弘治元年里人何本深

建脩六丈廣一丈五尺曰夏公橋在大富市弘治十八

年守夏英建脩十丈廣一丈五尺曰東橋成化間里人

建三十三都之橋二曰三溪橋在舊寨元至正十九年
里人伐石剏建脩五丈廣一丈二尺曰神仙橋在舊墟
弘治十三年里人黃叔英募衆建脩十丈廣二丈三十
四都之橋一曰泰和橋在蕭家坊天順二年里人同建
脩七丈廣一丈二尺三十五都之橋一曰儒林橋在將
石墟成化二年里人朱名友募衆建脩十四丈廣一丈
三尺三十七都之橋一曰太平橋在同富坊弘治十三
年守夏英建脩十三丈廣一丈五尺三十八都之橋一
曰化乾橋在盧洋村弘治十五年里人同建邑西之橋

凡二十渡有二西出鎮安門曰城西濠橋又有泥橋跨
于一曲之上四十七都之橋三曰官橋在張家墩宋紹
興五年里人建曰鶴林橋在甕口弘治十七年守夏英
建脩六丈廣一丈五尺曰神仙橋在下广口弘治十七
年守夏英建是有渡焉曰白沙渡濟于小溪四十六都
之橋二在于巖山街者曰晝錦橋舊有橋圯成化十四
年守劉元重建脩一十二丈廣一丈五尺曰大寧橋在
古山陂弘治十四年守夏英建脩一十五丈廣一丈五
尺四十五都之橋三曰花橋在大石前弘治七年里人

同建曰高爐橋在西洋坊成化十七年里人甯永英募
衆同建脩一十五丈廣一丈五尺曰神硤橋在高家村
成化三年里人龔永達募衆建脩八丈廣一丈二尺四
十四都之橋二曰陳江橋弘治十六年里人黃永能募
衆建脩六丈廣一丈五尺四十三都之橋四曰神安橋
在下城成化二十年里人黃子堅募衆建脩十丈廣一
丈五尺跨于黎川者曰水尾橋弘治五年里人同建曰
南橋在官坊弘治十六年里人張榮富募衆建脩十五
丈廣一丈五尺曰交山橋在篁山弘治五年里人同建

四十二都之橋三曰清河橋在塢下弘治十二年里人張伯春募衆建脩十六丈廣一丈六尺曰常安橋在大常水弘治五年里人張永成募衆建脩十二丈廣一丈有奇曰佳濟橋在上保水弘治十七年里人建三十九都之橋一曰三溪橋里人募衆建五十都之橋一跨于義溪灣者曰清溪橋成化間里人伐石剏建四十九都有官渡焉曰中和渡在大乾舖前歲籍渡夫二名已廢之橋二曰飭溪橋中和橋邑北之橋凡二十有六其渡一北出樵溪門五十三都之橋十跨于樵溪之口曰車

欄橋正統五年里人伐石建曰七星橋長石七片橫架

于溪因名橫于樵溪之上又有北浮橋舊有望仙橋建

廢不一成化十四年守劉元弘治十七年守夏英嘉靖

間守潘旦王鈞相繼重修舊為樵溪渡（自文通）蘆荻

江晚渡有舟橫帆移浦口琉璃滑棹入波心翡翠明日暮恍如天上過月明還似鏡中行蓬牕穩坐詩情愜颯

颯秋風兩鬢生樵川上流南北交會巨津有濟川橋宋開禧三

年守芮立言初建明年改元嘉定因名嘉定橋後燬端

平元年守趙以夫重建又名端平後屢建屢圯元至正

三年守吳克忠累石為址醜水十有三道架木為梁覆

以庇屋

廣人黃鎮成記

昭武居閩上游東南達閩中為連率會府北鄰廣信西出江右使驛之所奔轅

商旅之所遷貿陸馳川載嚙尾接踵無寧日故雖僻小之郡而道南北之所必經也郡郭北枕大川由闔閩而涉者肩袂日相屬始宋陞郡當承平時獨編筏以濟嘉泰之建橋昉見圖經然訖宋之世三成而三圮嘉定則更四守六年而成端平二守四年環碧最後工最久凡易十守作十有二年乃就蓋茲橋重役也工夥而糜用不貲國初建大德橋元統甲戌三月弗戒于燬距至正癸未越十稔初刺船渡者久輒弊漏春夏潦惡心怵肌慄不胥溺而幸濟則賀更生矣繼易舟梁岸植楹巨絳以固責成屬邑材蒐竹篳吏並緣漁利弗支則捷菑步畧杓輒易輒燬需材百出濟者弗給而民力病矣是歲秋宣慰都帥松泉吳公同守是邦始下車進邦之人士亟詢民所便害而罷行之因以是橋告公即奮曰吾志也乃經畫其費之所出與材之所具召里旅詣于神曰敢有與橋役輒侵一錢者俾所發如肉朽之屆期不役一民不施一鞭不使怨斂於橋也或者為公難之而

公從容措置不惑衆議一年而累石址立二年而棧梁
通三年而亭構竣事揭其扁曰至正蓋取紀年於土制
水之義也山吐澤叟駭見橋成而不與工費則相與鼓
舞而言曰豈天運神輸乎吾儕小人相安於田里當何
如其德公之賜也由是僮僮而過者出病涉蒙履坦懽
呼歌頌咸曰微吳公孰克成之誠不泯之公言也吁土
木之役每患於驅迫勞民哀斂無藝春秋於興作必書
蓋慎之也以前代郡計充贍之時成猶不易今公不責
任於官吏不督促於刑威取財有制而用則必廣工出
於傭而酬直必優乃能以一身任之三年成之非其立
志堅定處心公允策事周詳疇克爾哉郡士民將伐石
紀其勛或聞于公公曰成橋政之一耳敢以爲得乎拒
之固而民則終不能忘也咸以僕覩公用心之勤宜詳
得其顛末俾遂書其事而記之公在郡政績尤多善均
酒酤之賦而廢業者息征歸報德堂而免倍輸之害更
修禮殿而學制嚴盛置絕之調而存歿安焉救曠勞之
精禱而神明格焉若是者非一而橋爲重書其重者餘
故畧也公三華人名克忠松泉其號云銘曰於維昭武

跨川為城道南北涯憧憧取經構梁維昔允曰艱大民
恬罔知于燬弗戒招招舟涉寒暑十罹載沉胥溺孰援
我喜奕奕吳公天遺民保二駕初臨登進郡老意民瘼
矣詢奚急先僉屬茲梁政莫甚焉公奮然曰我實任責
度費需材蚤夜經畫搆神侵鈔一孔一鎗不役一民不
施一榜曾弗三替累石釃水駕空虹明絕漢雲起落成
履坦民不知勞公心公動流深山高砥後燬址存
柱其安河橋比績憶祀彌堅求賴公德

皇朝洪武八年守張文昇重建又圯正統十年守楊衡增石
址為十有五甫就而揚卒成化四年百戶劉觀

奏請終為橋守盛顯踵成之改今名脩六十三丈廣一丈

五尺興化守山正記維成化四年歲在戊子邵武樵溪

新橋告成大作者功故名濟川夫樵溪者邵武之
巨浸也自宋守芮立言始創于嘉定名嘉定復于端平
者名端平郡守趙以夫也復于咸淳者名環碧復于元

大德者名大德柱石庇亭加復于至正志逸作者不諗
誰何其復于國朝洪武已酉者又本溪以名郡守張
文昱也比燬于火計當今歲適周甲子中間作者郡守
揚衡趾石釀水計十有三縱尺三百三十有奇橫尺一
十有五高則三倍其橫可謂壯矣沮故害成功同于廢
惜哉自是比舟代涉苟免揭厲淋潦忽作覆溺時聞百
戶劉觀者請獲成命監察御史毗陵盛君嘗以言事
斥出宰縣至是推賢擢守此邦分憲劉公首以橋委君
既受事日息月蓄度可卒辦乃用戒人令出義赴競戲
所有四民同德緇黃加勤時邵武縣丞溫泰者專督役
作有若節推富陽葉堦者統領庶務綱維弛張度合節
中而分憲公意於衆尤力用是甫六閱月大功告成凡
爲亭者二爲比屋而楹者五十又九爲梁而木者以萬
計爲僧舍而職守視者若干間爲田賦租而虞繕葺者
若干畝雄麗前觀永歲藉役一名歲久傾圮嘉靖十五
固後來厥功懋矣

年守王鈞請于臺省令令葉朴重修二十年冬又燬在

賽羊巷者曰賽羊橋架以木而亭其上曰平阜橋正統九年郡人伐石建曰曾屯橋以石建跨于石鼓溪者曰石鼓橋舊以木屢壞弘治十二年守夏英伐石重建脩八丈廣一丈五尺曰何鹿坑橋以其地名舊以木景泰二年邑人易建以石曰延陵橋在越陽成化二十年邑人伐石剏建倉山之麓有仙源橋永樂十三年里人建有庇屋五十一都之橋四曰鎮龍橋在藥村天順間守何友建尋圯弘治十三年守夏英伐石重建曰藥村橋舊爲木橋漂于水後易以石尋圯嘉靖十六年里人重

建跨于漢口溪者曰鎮西橋舊為木橋壞弘治五年縣

丞鄭鑾伐石重建御史朱欽記天一生水水在天地

無一息停然順之則利逆之則害古今一理也資其利

而避其害隨其宜而制其用裁而戒之建橋通道則存

乎其人此亦庶幾輔相天地之一端歟邵武之西萬山

峯嶺大溪東下水如天注奔放澎湃望之殊可驚怖循

溪而上二十里至漢口近溪之濱又橫出一小溪源分

為二俱自邑之西北來一經隘山之茭洋一出東溪之

卓山至交溪二水始合又東南會流匯于大溪當水落

時廣不百餘尺褰裳可涉每風雨晦冥霖潦暴至輒咫尺如隔千里則其深廣往往百倍顧地居要衝上通江廣下通閩越行旅往來者日相屬雖建橋以通道而圯圯殊甚况水勢迅急歲輒為洪波所擊壞溪之深廣既不可涉又不可舟里人病之欲為石橋以濟久矣而役費不貲無肯舉者因循踰數百年弘治辛亥今縉雲鄭君鑾來佐縣事橋路之責佐實所司時民以病告則陰

計而默圖之久之乃節縮得縣之公餘財若干將以屬
工而邑之大姓聞君此舉皆曰是以佚道使民前後各
相率願以財助役者又若干鄭君則以其事白司府及
與長令議又咸以爲宜遂以壬子年五月墜日始事民
謹趨之乃礮石爲磴砌石爲面攔以石柱中爲甕門開
竇以洩水高三十五尺有奇廣視其高加十之七脩則
三倍其高費財二百五十餘緡將訖工而長令吳君策
適至又協相之未幾橋成千其旁建亭以避暑穿井以
備汲其爲民也至矣於是行者如履平地免病涉之虞
而利濟無涯矣橋舊名漢口金剛今更名曰鎮西明年
鄭君及里人請余記之夫天下之事不爲則不成不倡
則不起作之固難守之尤難顧一橋之建若無關於政
治之大然惠民之一念王政之一端於此亦可以驗志
意之所存矣蓋嘗因是而切有感焉自昔長民之吏於
凡政治之遠且大者旣不能有所爲近而小者又以不
屑爲况建橋通道一事往往屢過而莫之問者前後不
知其幾間有志在乎此意欲有爲而才力不足以濟之
其有力能爲之者則又以簡貴自賢身罔任責多委成

於工胥監督者之乎而造作之堅緻財用之出入程限
之遲速舉無所稽焉甚者則又藉是陰以罔利本以利
民反以擾民以故隨作隨壞糜費工力而馴至於上下
皆病終無所成而後已居位者其爲人立心之不同蓋
如此使每事盡然豈國家設官爲民分任以事之意
哉是可歎也然則此橋之創建昔難今易民不告勞其
反是也決矣姑記其本末以俟用告後之君子繼自今
長民於此者相與謹視而時修之是則鄭君與里人之
志也跨于漠口溪之下流者曰旅通橋舊爲木橋久廢成
化間里人重建是有渡焉曰溪西渡濟大溪一都之橋
二跨于將溪口者曰步雲橋元元統間郡人上官東臯
伐石剏建脩十二丈廣一丈五尺跨于泉山澗口者曰
登雲橋洪武二十四年令夏祥鳳建以木後壞正統六

年里人易建以石二都之橋二曰通濟橋在淙下舊有
橋圯弘治六年里人重建上覆以亭曰羅公橋在上高
坪上亦有亭三都之橋六將溪之上有將溪橋成化二
十年里人同建累石爲址架木爲梁覆以庇屋脩八丈
廣一丈二尺曰林下橋洪武八年里人建曰清安橋在
洪源元至正十八年里人建曰鳴山橋在揣田窠口永
樂十五年建曰西岡橋在栗樹頭曰新橋在學堂源口
脩六丈廣一丈四尺二橋皆弘治四年令費琮建四都
之橋一曰深溪橋在長源里人同建脩五丈廣六尺

光澤縣 境內之橋九二十有七其渡八邑(東)之橋曰平

濟橋跨于東溪之上宋嘉定間令陳觀奕建尋圯弘治

二年令劉俊禮諭富民義助伐石募工重建脩三十七

丈廣一丈七尺覆以庇屋數十楹今魏默記畧光澤縣

喉舌之地縣之西南抵新城界有水岐流合于大溪匯

于縣治之北經邵延而入于海去縣半里許古有橋橫

溪號平濟其道北通于江浙居民賦役之供輸商賈貨

賄之貿遷賓旅朝貢之往來率由於此亦衝要之地也

元末橋燬于兵裔是以工大費廣百餘年無有能復之

者因權造舟以濟波流湍激濟者多阨于水人甚患之

時劉侯君佐適宰是邑鳩工治鐵伐石以弘治改元之

四月始事越二年予忝治茲邑再逾年而始成高以丈

計者十脩以丈計者百上復為聯屋以覆之其脩與橋

等自是行者如履平地而歌頌之聲載途矣費近萬金

皆邑富人李文通暨子紹義捐資以助成巨工也故表而記之**絃歌橋**在昂魁坊下跨

小澗元至正六年主簿胡日新伐石建弘治十五年守

夏英構亭其上是有渡焉曰**鎮嶺渡**在厲壇東歲魚渡

夫一名邑西之橋曰**弘濟橋**跨于西溪之上宋嘉定間

令徐杰伐石荆建尋燬洪武七年主簿李祥舟構屋其

上求樂十年邑人重脩後圯成化四年守盛顛命工累

石爲址架木爲梁上覆以屋脩三十五丈廣一丈八尺

曰**富杭橋**在宣德門外弘治十四年令李麟伐石荆建

脩五丈廣一丈五尺上有庇屋曰**通濟橋**在抗頭市舊

爲土橋行者病之宣德八年主簿曹士原捐俸累石爲
岸架木爲梁覆之以屋弘治十六年守夏英更爲石梁
又西一都之橋三曰寺前橋在龍興寺前元時以石剏
建曰五里橋在高源成化間里人伐石剏建曰路口橋
亦在高源成化間里人伐石剏建有渡焉曰交溪渡二
都之橋八曰寺前橋在再興寺前天順間建曰飛橋里
人同建曰陳家橋下跨小澗永樂八年里人募衆伐石
剏建曰石捲橋元至正四年里人募衆捲石爲梁因名
曰永豐橋下跨小澗洪武二年里人哀財伐石建曰黃

溪橋永樂十六年里人同建上有庇屋曰官橋跨于小
澗洪武三十年里人伐石劔建曰石岐橋弘治十二年
守夏英建脩五丈廣一丈六尺有渡曰大販渡陳家渡
十五都之橋三曰東西橋下跨小澗永樂十五年里人
架以木梁以通行人曰吳屯橋跨于小澗正德十二年
令鍾華建曰華橋跨于小澗永樂十六年里人同建邑
西北十都之橋二曰萬安橋在止馬市洪武九年令林
孔孫建後圯宣德四年主簿沈宗重建八年水漂其半
縣丞張履重脩脩七丈廣一丈五尺曰興濟橋在水口

市嘉靖八年里人同建九都之橋二曰路口橋跨小澗

洪武九年邑人建曰九里橋舊為木橋宣德八年巡檢

陳洪捐貲斲石為岸架木為梁屋以覆之危昂霄詞晴虹十丈跨杉

溪偏稱夜涼時我來正值一灘月朗萬木霜飛謫仙不住人間世此恨有誰知何人盡我倚闌得句聽水忘歸

十七都之橋一曰順濟橋舊有橋屢建屢圯弘治十年

里人伐石重建十八都之渡曰仙花渡十九都之橋二

曰崇仁橋洪武二年里人伐石剏建後圯弘治十五年

守夏英重建曰徑山橋在徑嶺跨于小澗永樂八年邑

人黃孟舟募眾建構亭五間脩五丈廣一丈二尺是有

渡焉曰崇仁渡邑北二十六都之渡曰茶富渡三十都
之橋曰望仙橋在通津舖元至正八年令朱萬初伐石
建是有渡焉曰永崇渡今廢

泰寧縣境內之橋凡三十有七其渡二邑東之橋三曰
書錦橋跨于小溪舊名東橋元至正間壞今架木爲之
跨于黃溪之上者曰安泰橋洪武三十一年縣丞甘道
建後圯弘治八年令呂瓚重建脩十有四丈廣一丈三
尺曰興福橋跨水南小澗洪武初令定定建構亭其上
後圯成化十七年里人江景良重建脩五丈廣二丈二

尺福山保之橋一曰瀛洲橋跨于大溪宣德二年邑人游孟和建脩二十一丈廣一丈朱口保之橋二曰朝天橋跨于朱口溪之上弘治十七年令瞿鵬建脩十三丈廣一丈二尺跨于大溪者又有迎爵橋宋淳祐間邑人蕭誠甫累石爲址架木爲梁後圯鄉人因舊址復建脩二十五丈廣一丈二尺梅林保之橋一曰黃公橋跨梅林溪洪武二十七年鄉人鄭均祿建脩七丈廣一丈二尺交溪保之橋一曰安濟橋跨交溪口洪武三十五年令龔才善建脩十有九丈廣一丈三尺龍湖保之橋三

曰龍湖橋跨龍湖東溪元至正二十四年邑人謝申建
脩五丈廣一丈二尺曰錦溪橋亦跨龍湖東溪正統四
年邵武衛指揮胡興建脩五丈廣一丈其在遊源者曰
昇平橋永樂十九年邑人黃源令建脩八丈廣一丈二
尺邑南之橋曰利涉橋跨縣南之大溪洪武初令陳攜
累石爲址架木爲梁十六年令何天衢覆以屋尋圯天
順四年令張恒重建成化十七年洪水壞其址三令范
翰鬻葺之嘉靖十三年令鄭時舉復建脩三十三丈廣
一丈五尺歲籍役夫一名

教諭凌翰記

利涉有橋不知

始何年載記可考耳目所及

則自元至正壬辰迄今焚于火三蕩于水二遷于下流
二于今所亦二或架以木濟或渡以舟濟或浮以梁濟
而設墩架亭以濟者三歷年不二百而興廢乃爾民亦
勞矣今已丑之廢尤甚禍尤慘溺且傷以百計橋一泛
之無遺物邑令鄭侯時舉既下車壬辰春民告病涉侯
曰審可不稔哉夫三澗之水百流所會也一橋之束三
澗所歸也舍其湍就其滙何畏乎水薨聯擔接櫛比以
居煙焰及之橋之灰燼固然也鱗次者退歸然者獨存
何畏乎火是故不患無橋患所以久聞諸當道興舉扁
期既又曰誰與共之選擇而使僉曰義民何璨耆民李
北符江正雷澤諸八人可於是以致檄檄之以禮禮之以
謀謀之既又曰財何以官帑則歲有會月有要日有
成法甚厲也冒厲法以犯嫌烏乎可遂先之俸金五十
兩繼之贖金一百三十兩顧謂丞汪玠簿吳垠尉金隆
各惟命共佐之以銀七十兩民好義樂施者又七百五
十餘兩焉迺立八人于庭下命之曰吾惟汝泰寧汝惟
汝子孫吾不以官帑爲汝憂汝不以染指於橋之入爲
吾憂橋卜有成矣迺改築下流遠闢虛址採石爲墩墩

有四廼伐木爲亭亭有二十有九砥柱屹中水以不激如翬斯飛火以不然文磚在衢危欄旁啓蓋始其事者八人而躬畚鍤督斧斤以終之者黎北符正澤也業甫始侯任之簡以重緒可就侯搞之寵以榮侯去而功未奏又遺書諄以懇今橋成而涉之利君子曰侯以泰寧其澤沃四人以子孫其慮長遂以成茲橋也其審稔

跨東溪之上者曰神橋嘉靖二十二年守邢址推官華

周建水南保之橋三曰神光橋弘治十四年里人江長

清建脩五丈廣一丈二尺曰均福橋弘治十六年令梁

德宏建脩五丈廣一丈二尺曰福冲橋宋天曆間里人

建邑西梅口保之橋一曰火夾灣橋是跨山澗成化二

十一年守劉元建脩五丈廣一丈二尺是有官渡曰雙

溪渡元至正間設歲僉夫一名

邑人黃元實記杉陽樵之壯縣也西三十里石

山夾溪而立峯嶺周密以藩屏水口已而兩岸開豁桑麻沃衍梅川一市於是乎在其溪東接道人峯水西與雅陽水合復折而東趨於劔龍之津溪合之處平沙曠堤兩漲則瀾霜周則夷可以舟航而不可以輿梁故名曰雙溪渡是渡也實當邵汀二郡往來之要衝初無津渡吏民自爲利招招舟子或病馬後有僧雲外率月給直以贍篙工間歲造舟以新弊陋東西行者稍賴獲利然鵠立待濟不能無滯於是里人顏氏均慶憫渡者之不給目行者之無窮廼捐資增置一舟因助田五十餘畝歲額收禾四百五十秤昇質劑以防售易給公憑以寬差徭期於船力不足渡者得接手以並濟也雅陽無淑謝侯樂道人之善聞其事嘉其用心請余文記之用刻諸石以示永久故爲之詩曰梅川溶溶當途之衝匪舟匪楫曷濟不通舟楫未通咫尺千里舟楫旣通千里咫尺田以利津津以利人苟利於人何福不永與下保臻鶴鳴于山漁泳于川雙溪雙溪天地長存

之橋二跨于大湖溪者曰隆興橋舊有橋圯成化五年
令徐琛重建脩二十丈廣一丈二尺曰下衢橋洪武三
年邑人徐月山建脩八丈廣一丈二尺永興上保之橋
一曰上衢橋永樂五年邑人楊真建脩五丈廣一丈五
尺仁壽保之橋一曰仁壽橋舊有橋壞弘治十六年里
人廖勝宗重建脩六丈廣一丈二尺開善上保之橋一
曰開善橋在大阜洪武九年邑人江馬三建脩九丈廣
一丈三尺開善下保之渡曰青洲渡里人自置舟以濟
馬邑北之橋二曰朝京橋跨于北溪洪武二十八年令

張仲達建後屢脩屢圯邑人黃受榮教諭余智等同建
有石址有梁有瓦屋成化五年壞令徐琛重脩脩三十
丈廣一丈二尺歲僉夫一名鑿石結甃兩隄以防涼齧
柱中流者五墩崇計數十尺廣袤差等梁以巨木覆以
瓦屋二十有五楹上高保之橋一曰上高橋在上辛正
統二年里人建後圯成化十二年僧普祥重建脩十有
二丈廣一丈三尺長興保之橋九曰長興橋在石輞口
洪武十七年里人蕭馬建脩十丈廣一丈三尺其在下
辛者曰白鶴橋正統六年里人馮伯亨建脩五丈廣一

夫三尺曰壽星橋曰香水橋曰磔口橋曰鎮安橋曰上新橋曰塚下橋曰永昌橋七橋皆里人同建將溪保之橋曰將溪橋元至正間建脩六丈廣一丈二尺福興下保之橋曰抗橋元至正間里人丘仲卿建脩十一丈廣一丈五尺瑞溪保之橋二曰瑞溪橋永樂七年里人李月堂建脩十丈廣一丈三尺曰神仙橋景泰二年里人李景顏建脩八丈廣一丈三尺大田西保之橋二曰乘駟橋弘治十二年里人施祖應建脩十有五丈廣一丈二尺曰七星橋在北斗坊弘治元年里人廖鶴建脩五

丈廣一丈二尺

建寧縣境中之橋凡四十有一其渡五邑**東**之橋曰**鎮**

安橋在東門外跨于大溪之上宋紹定元年令趙紡夫

伐石翔建後圯永樂十八年邑人廖彥舉因舊址累石

高八尺正統二年圯復增高五尺重建脩四十六丈廣

二丈四尺上有庇屋在水東者曰**東坡橋**永樂十三年

建後壞成化十五年邑人重建是有渡焉曰**下渡**舊有

鄭公橋圯乃為渡里人置舟以濟焉曾自興詩春江染

影搥樓臺平沙隔巖空闊一篙時往還時來往來匆
匆不病涉輕波穩棹東風楫白鷗飛散溪邊雲時聽傍

人和明月晴煙淡淡波粼粼青山入座眼界新梅花落
地草色碧長空無盡天無垠蓬萊幾度水清淺海上靈
槎應未遠十洲風月夕相期便擬掛帆泛游衍

元年主簿譚克敏為木橋後壞天順三年里人易建以

石又圯弘治十八年令李雍重建曰石椒坑橋洪武十

三年里人伐石剏建黃舟保之渡曰三澗渡里人余希

溫置舟捨田七畝及店房賃資二兩五錢歲贍夫船之

費洛羊保之橋四曰三溪橋永樂五年主簿譚克敏建

後圯天順五年主簿丁暹監生宋鑑重建脩六丈廣一

丈二尺

尚書董成記邵武之建寧縣有三溪其源一出
鷄籠山一出聖筭石一出蓮花山而皆匯於洛

洋之大源其地實江浙與閩諸郡驛道所由出中多怪石不通舟楫每秋冬水落則架梁可通一經春夏霖潦則汎監瀾漫動至旬日而不得渡勢出窮迫則募士人編竹爲筏以濟一不奏功則飄沉陷溺歲不知云幾見者病焉前邑簿丁暹嘗發公帑募工伐石爲圈者三建亭其上三年始克成旋復壞於水而病涉者如初今南京太學生宋鑑之父希仁嘗有志嗣爲未就而卒鑑每經其地輒愴然有感於中父之視家有餘力乃謀諸故老謂欲圖經久必順水之性而無遏其流斯免衝激之患於是因其勢之高下疊石爲墩穹窿高虛巖密堅緻建亭架屋悉增其舊三溪之流遂不如昔之蕩激齧蝕有攸往者咸利焉工肇於成化甲辰之十月訖於丙午之十二月歲以朞計者凡三日以旬計者逾百木石工匠諸費皆出於生他人不與今利往者有頌聲贛志者無遺憾生之斯舉可謂兩得之矣郡守劉公嘗嘉其難爲筆之於郡志茲生復慮無以告其後人乃礱石請文以紀歲月惟天下之事莫不有興廢而其爲興廢又未嘗不資於人固有出於衆者亦有成於獨者語難易則

獨莫與於衆語議謀則分莫與於專若徒拉輿梁之成於兩月勢固非一人之所能成而築室道謀卒潰於成則又不若出於獨者之爲愈此論成事者所以貴於詢謀而尤貴於定志也若生者誠可謂能入之所不能而不愧仁人孝子之用心矣

曰袁庄橋

在袁庄舖前永樂三年令趙伯

潤建以木後壞邑人伐石重建脩六丈廣一丈四尺龍

津橋亦令趙伯潤建脩六丈廣一丈二尺曰楓坑橋永

樂五年主簿譚克敏建後圯天順五年主簿丁暹重建

脩五丈廣一丈五尺永城保之橋三曰橫口橋弘治十

八年里人伐石剏建曰毛坊橋弘治十年里人陳伯玉

建脩六丈廣一丈二尺曰永豐橋永樂二年里人建邑

南之橋曰南浮橋宋紹定二年令趙紡夫架舟為梁扁

曰利涉後廢為渡曰上渡

徐志詩楊柳垂陰遠渡頭孤舟橫處水迴流一篙春漲烟

波潤兩岸人家宿雨收晴影鏡中涵遠樹櫓聲江上起棲鷗南來北去不病涉更有何人起暮愁

弘治

十五年守夏英命縣丞郎珍造舟二十艘聯比于溪為

浮橋歲僉役夫一名

教諭蔡春記建寧屬邵武郡居八閩上游其山水最勝雅陽江旋繞

縣南如環帶然出南門百步許有津路近通汀劍達于三山遠通江右以至東廣冠蓋輿騎之經行農工商旅之輻輳接踵旁午誠一邑要津也按舊志有浮橋涉者甚便因名曰利涉不識毀自何代代以舟濟因循數百年無有能復之丞郎侯珍聞于郡守夏公遂刻意成之伐石為兩礮礮各植兩柱並舟二十艘於中流長短廣狹如度貫以長杠跨以巨板左右翼以闌檻兩旁又範鐵為大索聯之而維於兩礮之柱經始于歲己未秋九

月輟工于冬臘月橋成往來如履
坦途無復曩時齊度覆溺之虞矣
是有渡焉曰中渡舊

為通濟橋今為渡水南之橋曰容駟橋成化十四年叅

議劉觀建後壞弘治十四年縣丞郎珍易建以石脩十

丈廣二丈長吉保之橋三曰渭嶺橋成化三年里人建

曰楓演浮橋 成化間令謝雍置舟為渡嘉靖十六年

令梁隨建浮橋歲僉夫一名曰吉溪橋景泰五年里人

建鏡村保之橋三曰鏡溪橋弘治十年里人建曰龍興

橋弘治十年里人建曰闡溪浮橋舊為渡嘉靖十六年

令梁隨建浮橋歲僉夫一名都上保之橋三曰蕭坊橋

天順二年里人建曰新安橋景泰五年里人建曰蕭庄
橋成化間里人建赤下保之橋二曰軍嶺橋成化十年
里人建曰洪恩橋弘治十五年守夏英令縣丞郎珍伐
石剏建脩六丈廣一丈邑西富田保之橋曰查口橋正
統十年邑人劉自善建後壞弘治十八年里人王仕英
重建脩十丈廣一丈二尺銀坑保之橋曰錦江橋天順
元年里人建隆安保之橋曰七公橋天順六年主簿丁
暹建里心保之橋曰西園橋里人架木以通行人排前
保之橋三曰乘駟橋白眉橋碧灣橋三橋皆成化間里

人建上黎保之橋一曰水南橋景泰元年里人建邑北

之橋曰萬達橋舊有橋圯天順八年里人伐石重建跨

黃溪之上者曰拱辰橋洪武十四年令崔仕昭建圯弘

治九年里人余克友重建脩十丈廣一丈四尺曰青雲

橋在青雲嶺之陰宣德四年邑人陳仲榮伐石砌建脩

五丈廣一丈五尺有渡焉曰竹洲渡餘曷鷓鴣衆人爭上渡頭船我且從

容立柳邊待得船輕却相載安安穩穩過前川在地藏寺前里人置舟以濟黃

溪保之橋一曰池下橋天順元年里人建富田保之橋

二曰種玉橋弘治十五年里人余才鄒孟泰募衆建脩

十二丈廣一丈五尺曰溪峯橋宣德八年邑人徐汝受募衆建脩十丈廣一丈二尺安寅保之橋二曰里仁橋在永居寺前弘治五年里人吳彦端募衆建脩六丈廣一丈二尺曰漠溪橋弘治十三年里人建周平保之橋二曰火燒橋成化二十年里人建曰土礫橋成化元年邑人楊杰募衆伐石建脩六丈廣一丈二尺是有渡焉曰易家渡在灘頭園里人造舟以濟已廢之橋五曰鄭公橋通濟橋龍勝橋槎江橋東門橋

論曰愚次舟鐵爐灘見隔溪田父樵子望籃待渡移二

三時憫其病涉焉况北道

神京東趨會城西北通江浙南極汀廣朝貢賓旅之往來賦
役之供輸商賈貨賄之貿遷非津梁曷濟置駟傳命通
暢脉絡也又况邵多溪澗春夏多雨暴漲衝激橋易壞
拏舟之難耶故於津梁詳記之大者則書作者之名與
脩廣之數小者辭宜畧也